



通鑑地理通釋卷之四

歷代都邑攷

明王奉若天道建邦設都商邑翼翼四方之極作都邑攷

宓義都

帝王世紀宓義都陳春秋傳陳大皞之虛也今陳

州

淮寧府

宛丘縣

稽古錄都宛丘

神農都

世紀神農氏亦都陳又營曲阜

曲阜在魯城中委曲長七八里故

春秋稱魯大庭氏之庫今兗州

襲慶府仙源縣大庭氏古

國在城內魯於其處作庫

黃帝都

史記黃帝邑於涿鹿之阿括地志涿鹿山在媯州

懷戎縣東南五十里涿鹿城在山側故城在州東

南五十里本黃帝所都也世紀黃帝都涿鹿於周

官幽州之域在漢為上谷

世本云涿鹿在彭城然則上谷本名彭城武

紀要涿州古涿鹿之野漢置涿郡

今上谷有涿鹿縣及蚩尤城

泉

括地志阪泉今名黃帝泉在媯州懷戎縣東五

地志云涿鹿城東一里有阪泉上有黃帝祠

或曰黃帝都有熊今河南

新鄭是也

今鄭州新鄭縣

少昊都

世紀少昊氏自窮桑登位

外紀少皞青陽居江水邑于窮桑

春秋

傳曰遂濟窮桑在魯北

賈逵曰處窮桑以登為帝故天下號之曰窮桑蓋

為帝居魯北既而為帝乃居魯

登帝位後徙曲阜於周為魯周以

封伯禽春秋傳曰命伯禽而封於少皞之虛

注曲阜也

在魯城內劉公幹魯都賦昔大庭氏肇建厥居少昊受命亦都茲焉水經注曲阜少昊之墟有大庭氏之庫魯都賦曰戢武器於有炎之庫放戎馬於巨野之坳或云金天國號

顓帝都

世紀顓頊氏自窮桑徙帝丘於周為衛春秋傳曰

衛顓頊之虛也謂之帝丘今東郡濮陽是也濮陽

故城在今澶州

開德府

濮陽縣東

唐高宗封泰山次濮陽問此謂帝丘

何也許敬宗曰昔帝顓頊始居此地以王天下其後夏后相因之為寒浞所滅後昆吾氏因之而為

夏伯昆吾既衰湯滅之至春秋時衛成公自楚徙居之左氏稱相奪于享以舊地也由顓頊所居故曰帝丘通志顓帝都高陽皇覽顓頊冢在東郡濮陽頓丘城門廣陽里中

通典棘城

卽顓頊之墟在營州柳城東南一百七十里

晉載記慕

容廆以大棘城卽帝顓頊之墟也乃移居之

郡縣志高陽故城在汴州

雍丘縣西南二十九里

顓頊佐少昊有功受封此邑外紀顓頊都衛故為帝

丘後徙高陽稱高陽氏

帝嚳都

世紀帝嚳都亳今河南偃師是也

通志高辛氏故都亦謂高辛史

記正義高陽高辛所興地名 書序湯始居亳從先王居注契父

帝嚳都亳括地志亳邑故城在洛州偃師縣西十

四里本帝嚳之墟商湯之都也輿地廣記河南府偃師縣帝嚳所都

亦古亳邑也商有三亳成湯居西亳此卽一也周武王欲示休戎之意名曰偃師

帝堯都

世紀帝堯始封於唐今中山唐縣是也堯山在焉

郡縣志定州唐縣古唐侯國堯初封於此今定州北有故唐城 唐水在西北入唐

河南有望都縣山卽堯母慶都之所居也相去五十里都山一名亘山北登堯山南望都山故名

縣曰望都地理志堯山在唐縣南張晏以堯山在唐東北望都北史記堯作游成陽正義濮州雷澤

是後又徙晉陽今太原縣也於周在并州之域通志

今平定軍有古晉陽城是其地 及爲天子都平陽於詩風爲唐國

武王子叔虞封焉季札聞唐之歌曰思深哉其有

陶唐氏之遺民乎括地志今晉州所治平陽故城

是也輿地廣記晉州臨汾縣本平陽隋改平陽河水一名晉水韋昭云陶唐皆國名或曰堯

先居陶後居唐陶今廣濟軍定陶縣唐今中山府唐縣猶有唐城存焉或曰唐城在絳州翼城西二

里括地志定州唐縣堯後所封漢書音義唐今河東永安去晉四百里卽堯也詩譜曰唐帝堯舊都

之地今日曰太原晉陽堯始居此後遷河東平陽書惟彼陶唐有此冀方正義堯都平陽舜都蒲坂禹都安邑相去不盈二百皆在冀州通志曰自開闢以來皆河南建都雖黃帝之都堯舜禹之都於今皆為河北在昔皆為河南大河故道自碣石入海碣石今平州也所以幽薊之邦冀并之壤皆為河南地周定王五年以後河道堙塞漸移南流至漢元光三年徙從頓丘入渤海渤海今濱滄間也李氏曰堯舜都冀地壤最濶今之虜境各在其內

帝舜都

史記舜耕歷山

書帝初于歷山往于曰郡國志河東蒲坂有雷首山注縣南二十里有歷山舜所耕處括地志蒲州河中府河東縣雷首山亦名歷山南有舜井又越州餘姚縣有歷山

舜井濮州雷澤縣有歷山舜井又有姚墟云生舜處也媯州外城中有舜井城北有歷山皆云舜所耕處未詳也南豐曾氏曰鄭康成釋歷山在河東世之好事者因媯水出於雷首遷就附益謂歷山為雷首之別號不攷其實矣孟子謂舜東夷之人則陶漁在濟陰作什器在魯東門就時在衛耕歷山在齊皆東方之地合於孟子圖記謂齊之南山為歷山舜所耕處故其城名歷城今濟南府雷澤括地志雷夏澤在濮州雷澤縣郭外西北鄭康成云在濟陰地理志禹貢雷澤在濟陰成陽縣西北墨子曰舜漁於濩澤陶河濱皇甫謚曰通典澤州陽城縣有濩澤水陶河濱濟陰定陶西南陶丘亭是也今廣濟軍括地志陶城在蒲州河東縣北三十里即舜所都也南去歷山不遠何必定作什器於壽丘壽丘在魯東門之北今在兗州曲阜縣東北六里附寶生

黃帝於就時於負夏孟子云遷於負夏堯典釐降

壽丘鄭康成云衛地二女子媯汭媯水名在今河中府河東縣出歷山入河爾雅水北曰汭括地志媯州有

媯水源出城中者舊傳曰即舜媯汭水經注世本曰舜居饒內在漢中西城或言媯墟在西北舜所

居也通典金州西城縣有媯墟帝王世紀謂之姚墟世本日饒汭古文尚書周語羸內音媯汭括地

志又云姚墟在濮州雷澤縣東十三里會稽舊記云上虞三十里有姚丘即舜所生也

虞括地志故虞城在陝州河北縣東北五十里虞山之上今平陸縣皇甫謐曰堯以二女妻舜封

之於虞今河東太陽山西虞城是也舜居虞地以虞為氏郡國志太陽有吳山上有虞城括地志宋

州虞城縣舜後所封外紀本世紀舜所營都或言處虞之媯汭號曰有虞氏

蒲坂即河東縣今河中府南二里河東縣界蒲坂故城是也或言平陽今晉州城是也或言潘今上谷媯州城是也外紀都蒲阪

夏都

皇王大紀禹都于安邑世紀鯀封崇伯國在秦晉

之間左氏傳趙穿禹受封為夏伯在禹貢豫州外

方南於秦漢屬潁川本韓地今河南陽翟是也地理

志陽翟夏禹國今潁昌府陽翟縣有禹山輿地志宿州虹縣本夏丘縣堯封禹為夏伯邑於此

禪都平陽或在安邑今陝州夏縣本夏禹之都漢為安邑屬河東後魏改為夏

地理通釋 卷之四 及古閣

縣郡縣志夏縣東北十五里安邑故城禹所都也

或在晉陽

左傳注夏虛大夏今太原

陽世本言夏后居陽城本在大梁之南今陳留浚

儀是也

劉熙云潁川陽城今屬河南按經傳夏與堯舜同在河北冀州之域不在河南居陽

城者自謂禹避商均時非都也外紀禹都安邑或云平陽亦云晉陽及韓啓筮享神於大陵之上是

為鈞臺之享又筮於晉之墟作璿臺於水相徙帝

之陽寰宇記禹自安邑都晉陽桀徙安邑

丘於周為衛左傳衛遷于帝丘衛成公夢康叔外

紀相為羿所逐失國居商丘依夏同姓諸侯斟灌

斟鄩

今按商丘當作帝丘蓋世紀之誤也地理志北海壽光縣注古斟灌禹後今灌亭是平壽

縣注故斟尋禹後今斟城是左傳注壽光東南

灌亭平壽東南有斟亭括地志斟灌故城在青

壽光縣東五十四里斟尋故城今青州北海縣

也水經注地理志北海有斟縣京相璠曰故斟

國禹後西北去灌亭九十里少康中興復還舊都

胡氏曰少康靡鬲真人臣子哉經營四十年然後克殄元凶祀夏配天不失

舊物通典宋州虞城縣有綸城即少康邑在縣東南三戰國策稱桀之居左天門之險

上黨天井關即天門也右天谿之陽成臯在其北伊洛出其南吳起對

魏武侯亦言桀之居左河濟右太華伊闕在其南

羊腸在其北

羊腸坂在太原晉陽西北九十里史記正義汲冢古文云太康居斟尋羿

亦居之桀又居之書云太康失邦兄弟五人須于洛此即太康居近洛也臣瓚云斟尋在河南蓋後遷北海也周書度邑篇武王問太公吾將因有夏之居即河南是也括地志故鄒城在洛州筆縣西南五十八里蓋桀所居夏亭故城在汝州郊城縣東北五十四里蓋夏後所封

注桀都安邑
鳴條之野地在安邑之西鳴條陌服虔曰陶唐虞夏之都大率相近不出河東之界

商都

世紀契始封商在禹貢太華之陽上洛商是也
括地志商州東八十里商洛縣本商邑古之商國商所封漢弘農郡商縣世本曰契居番水經注渭水東

逕巒都城北故潘邑契所居闕駟曰蕃鄭西今巒城
世本昭明居砥石荀子

成相云契玄王生昭明居於砥石遷于商
注砥石地名未詳所在或曰即底柱也至相土乃遷商丘

相土徙商丘故陶唐氏之火

正闕伯之所居也春秋傳曰闕伯居商丘祀大火

相土因之故商主大火謂之辰故辰為商星
杜預云今

梁國睢陽宋都括地志宋州城古闕伯之墟
書序
即商丘也今應天府宋城縣相土昭明子也

湯始居亳從先王居
史記正義括地志云宋州穀熟縣西南三十五里南亳故

城即南亳湯都也宋州北五十里蒙城為景亳湯所盟地因景山為名河南偃師為西亳帝嚳及湯

所都盤庚亦都之湯卽位居南亳後徙西亳孔安國云帝嚳都亳湯自商丘遷故曰從先王居通典曹州考城縣有北亳亦曰景亳詩正義皇甫謐云學者咸以亳在河洛之間今河南偃師西二十里有尸鄉亭是也謚考孟子稱湯居亳與葛爲鄰案地理志葛今梁國寧陵之葛鄉今拱州之寧陵寧陵去偃師八百里而使亳衆爲耕非其理也今梁國自有二亳南亳在穀熟卽今南京之穀熟北亳在蒙卽今拱州之考城古謂之蒙漢謂之薄非偃師也殷有三亳二在梁國一在河洛之間穀熟爲南亳卽湯都也蒙爲北亳卽景亳是湯所受命地偃師爲西亳卽盤庚所徙也立政曰三亳阪尹是也鄭康成注立政云三亳者湯舊都之民分爲三邑其長居險故曰阪尹蓋東成阜南轅轅西降谷也是鄭以三亳爲分亳民於三處非三處有亳地也杜預以景亳爲周地河南鞏縣西南有湯亭或

說卽偃師也漢書音義臣瓚案湯居亳今濟陰薄縣以經無正文各爲異說地名變易難得而詳林氏曰鄭氏云亳在河南偃師鄭說可從蓋偃師在河南其地與周洛邑相近乃曰方朝覲貢賦道里取中之地商頌曰古帝命武湯正域彼四方邦畿千里維民所止商邑翼翼四方之極使非河南則頌未必如此周禮疏曰堯治平陽舜治安邑唯湯居亳得地中通志亳故京兆杜縣有亳亭是也杜城今在長安南故太史公云禹興西羌湯起亳也及湯有天下始居宋地復命以亳今南京穀熟是也書正義契至湯八遷契居商昭明居砥石相土居商丘湯居亳有此四遷其餘四遷未詳聞也

仲丁遷于囂世紀今河南之敖倉是也
史記遷于
傲正義括

地志滎陽故城在鄭州滎澤縣西南十七里殷時敖地也世紀云仲丁自亳徙都敖周時名北制在

敖山之陽後屬河亶甲居相在河北括地志故殷城在相州內黃縣今

韓為滎陽縣屬大名府東南十三里即河亶甲所築都之故名

殷城相州安陽本盤庚所都即北冢殷墟南去朝歌城百四十六里竹書紀年盤庚自奄遷于北冢

曰殷墟南去鄴四十里是舊都城西南三十里有洹水南岸三里

有安陽城西有城名殷墟所謂北冢也安陽城即相州外城水經注洹水逕殷墟項

羽與章邯盟于此地類要安陽縣本殷墟所謂北冢者亶甲城在西北五里四十步洹水南岸後魏

天平四年立相州取河祖乙圮于耿為河所毀地理志河東皮

亶甲居相之義治鄴氏縣耿鄉故耿國括地志絳州龍史記祖乙遷于

邢皇極經世祖乙圮于耿徙居邢通典邢州祖乙遷於邢即此地亦邢國也括地志邢國故城在

邢州外城內西南角地理志襄國縣故邢國今信德府龍岡縣書正義汲冢古文云盤庚自奄遷于

殷蓋祖乙圮於耿遷於奄括地志兗州曲阜縣奄國之地盤庚五遷將治亳殷

盤庚遷于殷曰先王不常厥邑于今五邦馬氏曰五邦謂

商丘亳囂相耿也林氏曰序言五遷自湯至盤庚併數之此言五邦又言今不承于古則是盤庚之

前遷者有五考之前序但有亳囂相耿之四者併盤庚數之則盤庚歸亳不應謂之五邦太史公謂

祖乙自耿遷邢汲冢紀年謂祖乙遷奄此與序戾不可據意者更有遷而史失之皇極經世盤庚五

遷復歸于亳改號曰殷三代世表云徙河南世紀盤庚復南居亳之殷地今偃師是也周氏曰商人

稱殷自盤庚始自此以前惟稱商而已自盤庚遷都之後於是殷商兼稱或只稱殷通志汲水出陽

也里通釋卷之四及古

也里通釋

城東至西華汝陽入于潁與潁水合流古人并謂潁為澗故命以殷焉詩補傳曰殷以澗水得名澗澗同音古澗水縣今陳州之商水

北 二代世表武丁徙河北世紀武丁徙居朝歌今河內縣也酒誥明大命于妹邦孔氏云紂所都

朝歌以北是通志紂居朝歌隋改為衛縣隸衛州朝歌故城在縣西二十二里衛縣熙寧中省為鎮

入黎陽戰國策殷紂之國左孟門而右漳釜前帶河後被山史記吳起曰左孟門右太行常山在其

北大河經其南括地志紂都朝歌在衛州東北七十三里朝歌故城是也本妹邑武丁始都之世紀

云帝乙復濟河北徙朝歌其子紂仍都焉地理志河內本殷之舊都周既滅殷分其畿內為三國詩

風邶庸魯國是也注自紂城而北謂之邶南謂之庸東謂之衛左傳注殷虛朝歌也世紀紂自朝歌

北築沙丘臺沙丘在鉅鹿東北七十里括地志在邢州平鄉東北二里史記貨殖傳昔唐人都河東殷人都河內周人都河南夫三河在天下之中若鼎足王者所更居也

周都

世紀周后稷始封邰今扶風釐是也 地理志右扶風釐縣后稷

所封括地志故釐城一名武功城在雍州京兆府武功縣西南二十二里古邰國有后稷乃姜嫄祠

及公劉徙邑於豳詩稱于豳斯館今新平漆之東

有豳亭是也 后稷生不窋周語不窋失其官自窋戎狄之間括地志不窋故城在慶州

弘化縣南三里即不窋在戎狄所居之城也豳州新平縣即漢漆縣詩豳國公劉所邑之地郡縣志

古幽城在邠州三水縣西三十里公劉始都之處
 通典慶州安化縣尉李城在白馬兩川交口亦曰
 不窳城幽州開元十三年改幽為邠幽故柁邑是
 地理志右扶風柁邑有幽鄉詩幽國公劉所都柁
 邑故城在三水縣
 東北二十五里
 至太王避狄循漆水
 在鳳翔府
 普潤縣東
 入渭地理志在
 踰梁山
 括地志在雍州好時縣西
 北十八里鄭康成云岐山
 右扶風漆縣西
 西南好時熙寧
 徙邑於岐山之陽西北岐城舊趾
 中屬鳳翔府

是也詩稱率西水滸至于岐下
 康成云循西水
 涯沮漆水側也
 南

有周原故始改號曰周
 康成云周原在岐山之南
 詩闕宮曰居岐之陽地理

志岐山在右扶風美陽西北中水鄉周大王所邑
 括地志故周城一名美陽城在雍州武功縣西北

二十五里即太王城也通典美陽縣故城在武功
 縣北七里輿地廣記鳳翔府扶風縣岐陽鎮漢美
 陽縣地周太王邑於岐山之下即此詩所謂居岐
 之陽也文王始亦治焉唐岐陽縣元和三年省入
 扶風郡縣志岐山亦名天柱山在鳳翔府
 岐山縣東北十里孟子文王生於岐周
 王季徙

程書序曰維周王季宅程是也
 孟子文王卒於畢
 郢史記正義周書

云惟周王季宅郢郢故城在雍州咸陽縣東二十
 一里周之郢邑也詩正義周書稱文王在程作程
 寤程典皇甫謐云文王徙宅於程蓋謂此也地
 理志右扶風安陵關駟以為本州之程邑也
 文

王受命徙都於鄠在今京兆之西詩既伐于崇作

邑于豐
 說文鄠文王所都在京兆杜陵西南括地
 志周豐宮文王宮也在雍州京兆府鄠縣

也畢通釋
 卷之四
 及古

東三十五里鄭康成云豐邑在豐水之西鎬京在
 豐水之東徐廣云豐鎬相去二十五里皆在長安
 南數十里地理志豐水出右扶風鄠縣東南通典
 岐州鳳翔府岐山縣文王徙於岐即此縣也孟子
 曰文王治岐尚書大傳春子曰文王治岐詩皇矣
 曰度其鮮原居岐之陽在渭之將鄭氏箋在岐山
 之南居渭水之側後竟徙都於豐正義云太王初
 遷已在岐山岐山之陽去舊都不遠豐則岐之東
 南三百里蘇氏云文王既克密須於是相其高原
 而徙都焉所謂程邑是歟通典周文王作豐今京
 兆府長安縣西北靈臺鄉豐水
 上是也殷有崇國在鄠縣界
武王徙都鎬 封文
 子
 於豐括地志鎬在雍州西南三十二里瀉水源出
 長安縣西北瀉池長安志在縣西北十八里通典
 今長安縣昆明池北鎬陂是也詩宅是鎬京後漢
 志鎬在京兆上林苑中孟康云長安西南有鎬池

水經注鎬水上承鎬池於昆明池北郡縣志周武
 王宮即鎬京也在長安縣西北十八里自漢武帝
 穿昆明池於此鎬京遺趾淪陷焉穆天子傳之于
 宗周注鎬京也通志周地西迫戎俗自岐之豐自
 豐之鎬是西遠戎而東即華也程氏曰伐商作洛
 皆步自宗周而往以其事告于豐廟康有豐宮之
 朝康王雖仍都鎬
及伐紂營洛邑而定鼎焉今洛
 其受朝仍在豐地

陽西南洛水之北有鼎中觀是也

史記周紀王曰自洛汭延于伊

汭居易毋固其有夏之居我南望三塗北望嶽鄙
 顧詹有河粵陽雒伊毋遠天室營周居于雒邑而
 後去太史公曰學者皆稱周伐紂居洛邑綜其實
 不然武王營之成王使召公卜居居九鼎焉而周
 復都豐鎬周書度邑曰武王問太公曰吾將
 因有夏之居南望過于三塗北瞻望于有河**周公**

相成王以鄠鎬偏處西方乃使召公卜居洛水之陽以卽土中遂築新邑營定九鼎以爲王之東都

洛邑書我乃卜澗水東灋水西惟洛食注今河南城也是

爲王城名曰東周公羊傳王城者何東周也地理志王城本鄠鄠之地或謂之郊

鄠春秋傳成王定鼎于郊鄠河南是也今東門名鼎門蓋九鼎所從入也郊山名鄠邑名桓七年王

遷盟向之民于郊襄二十四年齊人城郊郊王城括地志故王城一名河南城本郊鄠周公新築在

河南縣北九里苑內東北隅自平王以下十二王皆居此城至敬王乃遷都成周赧王又居王城洛

陽故城在洛陽縣東北二十六里周公所築卽成周城也書我又卜灋水東亦惟洛食注今洛陽也

將定下都遷殷頑民故并卜之周語靈王二十二年穀洛鬪將毀王宮韋昭曰洛水在王城南穀水

在王城北東入于灋婁敬曰成王營成周都洛以爲天下中諸侯四方納貢職道里鈞矣呂氏曰孔

子序洛誥曰周公往營成周則成周乃東都總名河南成周之王城也洛陽成周之下都也王城非

天子時會諸侯則虛之下都則保釐大臣所居治事之地周人朝夕受事習見旣久遂獨指以爲成

周矣通典成王旣卜營洛邑建明堂朝諸侯復還郊鄠陌名

鄠鄠故書序曰還歸在豐歸于至懿王徙犬丘秦謂

之廢今京兆槐里是也世本懿王居犬丘地理志右扶風槐里縣周曰犬丘

懿王都之括地志犬丘故城一名廢丘在雍州始平縣東南十里卽周懿王所都漢高祖三年更名

也里通釋卷之四

槐里今京兆府興平厲王出于彘今河東永安是也通典晉州霍

邑縣漢彘縣詩序宣王復會諸侯于東都王氏曰

成王於洛時會諸侯而已宣王時會諸侯於東都

而車攻謂平王徙居洛洛誥所謂新邑也呂氏曰

之復古平王定都王城地理志初

雒邑與宗周通封畿東西長而南北短短長相覆

為千里至襄王以河內賜晉文公又為諸侯所侵

故其分墜小郡國志河南周公所城雒邑也春秋

時謂之王城東城門名鼎門北城門名乾祭注博

物記王城方七百二十丈郭方七十里南及敬王

望雒水北至陝山地道記去雒城四十里

避子朝之亂東居成周子朝居王城曰西王敬王

居秋泉在王城之東曰東

王春秋曰天王入于成周後六年王室定遂徙都

成周晉率諸侯之徒修

繕其城以成周城小不受王都故壞翟泉以廣焉

翟泉地在成周東北郡國志雒陽周時號成周有

狄泉在城中注摯虞曰古之周南今之雒陽世紀

曰城東西六里十一步南北九里一百步通典狄

槐里今京兆府興平厲王出于彘今河東永安是也通典晉州霍

邑縣漢彘縣詩序宣王復會諸侯于東都王氏曰

成王於洛時會諸侯而已宣王時會諸侯於東都

而車攻謂平王徙居洛洛誥所謂新邑也呂氏曰

之復古平王定都王城地理志初

雒邑與宗周通封畿東西長而南北短短長相覆

為千里至襄王以河內賜晉文公又為諸侯所侵

故其分墜小郡國志河南周公所城雒邑也春秋

時謂之王城東城門名鼎門北城門名乾祭注博

物記王城方七百二十丈郭方七十里南及敬王

望雒水北至陝山地道記去雒城四十里

避子朝之亂東居成周子朝居王城曰西王敬王

居秋泉在王城之東曰東

王春秋曰天王入于成周後六年王室定遂徙都

成周晉率諸侯之徒修

繕其城以成周城小不受王都故壞翟泉以廣焉

翟泉地在成周東北郡國志雒陽周時號成周有

狄泉在城中注摯虞曰古之周南今之雒陽世紀

曰城東西六里十一步南北九里一百步通典狄

陽也周紀考王封其弟于河南是為桓公以續周公之官職惠公封其少子於鞏以奉王號東周惠公注於是其有東西二周世本西周桓公揭居河南東周惠公班居洛陽赧王時東西周分治西周各南也東周鞏也趙世家成侯八年與韓分周以為兩徐廣曰顯王二年周紀無此呂氏曰東西周各為列國不復相關自是而後稱東西周君者皆謂二周君也本紀云赧王時東西周分治非也赧王特徙都西周耳當

白虎通夏曰夏邑殷曰商邑周

曰京師

詩公劉京師之野朱文公曰京師高丘而眾居之也董氏曰所謂京師者起於此其

後世因以所都為京師曰嬪于京依其京則岐周之京也王配于京則鎬京也春秋所書京師則洛邑也皆仍其本號而稱之猶晉之云新絳故絳也洛邑亦謂之洛師正京師之意也林氏曰岐在

邠西北無百里幽又在岐西北四百餘里豐在岐山東南二百餘里鎬在豐東二十五里方氏曰豐鎬宗廟所在故謂之宗周洛邑以王道成於此故謂之成周

秦都

秦紀非子居犬丘周孝王分土為附庸邑之秦

注今

天水隴西縣秦亭地理志今隴西秦亭秦谷是也括地志秦州清水縣本名秦嬴姓邑漢屬天水郡水經注清水逕清水城南又西與秦水合水出東北大隴山秦谷歷三泉合成一水而歷秦川川有故亭秦仲所封也秦之為號始是秦水又西南歷隴川逕六槃口過清水城西南注清輿地廣記秦州隴城縣有秦谷郡縣志秦

莊公居其故西犬丘

世紀周懿王所都今槐里是也平王封襄公為諸侯賜之岐以西

之地於是始國文公居西垂宮東獵至汧渭之會

乃卜居之占曰吉即營邑之括地志故汧城在隴州汧源縣南三里世

紀云襄公二年徙居汧即此城郿縣故城在岐州鳳翔府郿縣東北十五里文公東獵汧渭之會卜

居之乃營邑焉即此城也世紀寧公徙居平陽紀世

文公徙汧今扶風郿縣是也郿之平陽亭是也括地志平陽故城在岐州岐山

縣西四十六里秦寧公徙都之處岐山縣有平陽鄉鄉內有平陽聚武公居平陽封宮正義云在平

陽城內水經注汧水逕郁夷縣逕平陽故城南德公初居雍城大鄭宮卜居雍後子孫飲馬於河世紀今扶風雍是也括地

志岐州雍縣南七里故雍城秦德公大鄭城也秦紀康公居雍高寢桓公居雍太寢今鳳翔府天興縣獻公城櫟陽徙都之世紀今馮翊萬年是也括地志櫟陽故城一名萬年

城在雍州東北百二十里漢七年分櫟陽城內為萬年縣通典漢萬年縣在京兆府櫟陽縣東北二

十五里櫟陽故城是周明帝省萬年入廣陽更於長安城中置萬年縣仍移廣陽縣入舊萬年縣城

即今櫟陽縣是孝公作為咸陽築冀闕徙都之世紀漢元年更名新

城屬扶風後并於長安故太史公曰長安故咸陽也元鼎三年復別為渭城今長安西北渭水陽有

故城西京賦秦里其朔寔為咸陽括地志咸陽故城亦名渭城在雍州咸陽縣東十五里京城北四

十五里即秦徙都者今咸陽縣古之杜郵劉伯莊云冀猶記事闕猶象魏也始皇置酒咸陽宮營作

也里通釋卷之四

朝宮渭南上林苑中先作前殿阿房為閣道自殿下直抵南山為復道自阿房渡渭屬之咸陽自孝公至子嬰十世居咸陽

漢都

世紀漢高帝元年始為漢王都南鄭

屬漢中今興元府南鄭縣

二年北徙櫟陽

地理志屬左馮翊秦獻公自雍徙括地志秦櫟陽故宮在雍州櫟陽

縣北三十五里秦獻公所造三輔黃圖高帝都長安未有宮室居櫟陽宮

七年徙都長

安秦咸陽之地京兆所治縣也

地理志長安縣高帝五年置長安本

鄉名今為承興軍治

其城狹小惠帝元年更築廣之五年乃

成

地理志六年成通典今城西北古城是也

志長安故城在雍州長安縣西北三十里漢舊都本秦離宮長安故咸陽也

高帝居雒陽南宮婁敬說曰陛下

都雒陽豈欲與周室比哉竊以為不侔矣秦地被

山帶河四塞以為固因秦之故資甚美膏腴之地

此所謂天府群臣皆言不如都周帝疑未能決留

侯曰關中左殽函右隴蜀沃野千里南有巴蜀之

饒北有胡苑之利阻三面而固守獨以一面東制

諸侯河渭漕輓天下西給京師所謂金城千里天

府之國於是帝即日駕西都關中

呂氏曰敬所談秦之形勢乃周

之形勢也

翼奉上疏元帝曰願徙都於成周左據成臯

右阻鼂池前鄉崧高後介大河建榮陽扶河東南

北千里以為關而入敖倉地方百里者八尤足以

自娛東厭諸侯之權西遠羌胡之難淮陽王更始

元年都宛

今鄧州南陽縣

十月北都洛陽二年遷都長安

光武以武信侯封蕭王

今徐州蕭縣

即位於鄡南千秋

亭五成陌

更名高邑今趙州高邑縣後漢注即位壇在柏鄉縣柏鄉熙寧五年省入高邑

建武元年入雒陽幸南宮卻非殿遂定都焉

故成周之

舊基城東西六里十步南北九里一百步時人謂雒陽為東京長安為西京河南尹領縣二十兼

置司隸

獻帝初平元年董卓遷都長安

郡縣志黃白城在京

北府三原縣西南十五里李傕亂政天子東遷三輔飢歎乃移保黃白城即此地也秦曲梁宮在縣

西南十五里黃白城建安元年還雒陽曹操遷帝

于許

漢潁川許縣本許國魏文帝改曰許昌故城在今潁昌府長社縣許田鎮南三十里唐屬

許州後唐改許田熙寧四年省入長社

通志光武又以南陽為別都

謂之南都

張衡南都賦陪京之南居漢之陽摯虞曰南陽郡治宛在京之南

也里通釋

卷之四

及五月

三國都

漢昭烈於沔陽立為漢中王即位武檐之南沔陽故城

在興元府西縣西武檐山在成都府西都成都公孫述改蜀郡為成都劉焉為益州牧初

治綿竹徙成都唐玄宗幸蜀為成都府魏武為魏公都鄴鄴縣漢為魏郡

治後魏置相州隋文徙其居民南遷四十里以安陽城置鄴縣本朝熙寧六年省入相州臨漳縣

文帝復都洛陽黃初二年以譙為先人本國今亳州譙

縣許昌為漢之所居長安為西京之遺迹鄴為王

業之本基與洛陽號曰五都 吳大帝屯吳今平江府

建安十三年初鎮丹徒今鎮江府丹徒縣築京城南面西面各開

一門因京峴號為京鎮在建業之北因門為京口十六年徙治秣陵十七

年城楚金陵邑號石頭改秣陵為建業今建康府上元縣

黃初二年自公安今江陵府都鄂改鄂為武昌今壽昌軍黃

龍元年遷都建業陸遜輔太子登留武昌歸命侯

甘露元年徙都武昌後還都建業滕牧留鎮武昌

晉都

晉武帝都洛陽故洛陽城在今洛陽縣東二十里置司州愍帝都長安

地理通釋

卷之四

及古

元帝南遷都建康

都城周二十里十九步本吳舊址晉江左所築但有宣陽門至

成帝作新宮始修城開陵陽等五門與宣陽為六蘇峻滅後宮闕荒殘溫嶠議遷都王導曰建康帝皇所居孫仲謀劉玄德皆云王者之宅不可改

宋齊梁陳都

宋因晉舊都於建康齊因宋梁因齊梁元帝興復

卽位於江陵

將還建康胡僧祐等曰建業王氣已盡與虜正隔一江若有不虞悔無及

也帝以建康彫殘江陵全盛從僧祐等議詔王僧辯鎮建康

陳復都建康後梁

蕭詧都江陵稱臣於魏為附庸

後魏都

拓跋氏東胡之後別部鮮卑

劉道原以為檀石槐兩部大人推寅之後

世居北荒

因大鮮卑山為號鮮卑山在營州柳城縣東二百里棘城之東塞外亦有鮮卑

山在遼西之北一百里未詳孰是

力微遷定襄之盛樂

盛樂縣在朔州北漢

志成

祿官分國為三部

一居上谷北濡源西東接宇文部自統之一居代郡

之參合陂北使子猗屯統之一居定襄之盛樂故城使猗盧統之一居

晉懷帝時劉琨

表以猗盧為大單于封代公徙馬邑

唐為朔州城盛樂

以為北都修故平城以為南都愍帝進猗盧為代

王食代常山二郡通典賀儇始都東木根山什翼

犍更營盛樂建國元年即位於繁峙北三年都雲中之盛樂宮四年築盛樂城於故城

南八秦苻堅殺寔君而分其國什翼犍之孫珪立

為代王登國元年即都雲中在朔州北三百餘里

魏土地記雲中宮在雲中故城東四十里唐志改

代曰魏自雲中徙都平城置司州代尹天興元年

後漢注今雲州定襄縣通典即孝文太和十九年

遷洛陽以平城之司州為恒州洛陽置司州河南

尹二十年改為元氏後孝武遷長安為西魏孝

遷鄴為東魏孝文經鄴登銅雀臺崔光曰鄴城

可以饒富請都之孝文曰鄴城非長久之地石虎傾於前慕容滅於後國富主奢暴成速敗且西有枉人山東有列人縣北有相人城君子不飲盜泉惡其名也葉氏曰孝文慕華風變夷俗始遷洛邑根本既虛隨即崩潰然則用夏變夷者聖人之道也以夷制夏者夷狄之利也失其利則衰及其常則滅烏得謂黎民懷之三才其舍諸

後周北齊都

周宇文氏繼西魏都長安於長安城中置萬年縣唐高宗幸故長安城問

侍臣秦漢以來幾君都此許敬宗曰秦居咸陽漢惠帝始城之其後苻堅姚萇宇文周居之高氏繼東魏都鄴後魏置相州東魏初遷都置魏齊

晉陽為下都鄴縣省入臨漳縣

隋都

隋文帝都長安

長安縣長壽坊

開皇二年營建新都在漢

故城之東南十三里

本後周京兆郡萬年縣界

南直終南山子

午谷北據渭水東臨灞澇西枕龍首原三年遷新

都名其城曰大興城

文帝初封大興公故以名正殿曰大興殿宮曰大興宮宮

北苑曰大興苑改萬年縣為大興縣或曰宮之大興殿本大興村故因用其名通典唐京城是也呂氏曰西京記云大興城南直子午谷今據子午谷乃漢城所直隋城南直石鑿谷則已微西不正與子午谷對也六典京城東西十八里一百十五步南北十五里一百七十五步皇城之南東西十坊南北九坊皇城之東西各十二坊東都通典云故兩市居四坊之地凡一百十坊

都城自周至隋大業以前常為都邑今都城隋大

業元年所築

兩京記煬帝登北邙觀伊闕曰此龍門耶自古何為不建都於此蘇威曰

以俟陛下大業元年自故都移於今所其地周之王城初謂之東京改為東都六典煬帝詔楊素宇文愷移故都創造南直伊闕之口北倚邙山之塞東出灑水之東西出澗水之西洛水貫都有河漢

之象東去故都十八里大平御覽煬帝
遷洛陽於故周之王城即今東都城也
煬帝幸江

都於揚州立李淵立代王侑於長安王世充立越

王侗於東都

唐都

高祖都長安本隋都改大興殿曰太極六典京城

左河華右隴坻前終南後九變皇城在京城之中

今謂之宮城在皇城之北禁苑在大內宮城之北

西內太極宮東內大明宮南內興慶宮通典武德以來稱

京城唐志天寶元年曰西京至德二兩京記高宗

曰兩京朕東西二宅始作上武后定都洛陽昭宗

天祐元年朱全忠遷唐都于洛陽六典東都城左

成臯右函谷前伊闕後邙山唐志貞觀六年號洛

都光宅二年曰神都神龍元年復曰東都天寶元

年曰東京肅宗元年復為東都皇城曰太微城宮

城曰紫肅宗至德二載以蜀郡為南京成都鳳翔

為西京西京為中京上元元年置南都於荊州江

陵寶應元年詔曰五都之號其來自久宜以京兆

為上都河南為東都鳳翔為西都江陵為南都太

原為北都唐志北都天授元年置神龍元年罷開元十一年復置天寶元年曰北京上元

二年罷肅宗元年復為北都六典京兆河南太原為二都

五代都

梁朱晃以汴州宣武節度建國升為東都開封府

以唐東都為西都廢京兆府為雍州

後唐莊宗即位於魏州

同光二年

升魏州為東京興唐府三年改為鄴都

滅梁遷洛京

元年以太原為西京鎮州為北

都又復北都為鎮州太原為北都復汴州為宣武軍永平軍為西都二年以洛京為東都

晉

石敬瑭鎮太原即位都洛陽徙都汴

行闕以太原宮為名升汴

州為東京開封府以洛陽為西京雍州為晉昌軍改興唐府為廣晉府復為鄴都

漢劉

高即位於太原都汴

改晉昌為永興軍廣晉為大名府

周郭威

都汴

廣順二年修大梁城三年築郊社壇作太廟於大梁顯德元年廢鄴都二年以大梁城

中迫隘詔展外城

宋朝四京

東京開封府舊城

卽汴州城

唐建中初李勉築

周回二十里一

百五十五步本朝曰闕城亦曰裏城

新城周顯德三年韓通築

周回四十

也里通澤

卷之四

及古

八里二百三十三步本大內據闕城之西北宮城

朝曰國城亦曰外城 周回五里 即唐宣武節度治所梁為建昌宮晉為大寧宮建隆三年廣皇城之東北隅按

洛陽宮殿圖修之乾德三年導五丈河通皇城為

池祥符九年增築新城熙寧八年重修都城太祖

生於洛陽有遷都之意晉王言非便太祖曰朕將

西遷者欲據山河之固而去冗兵王又言在德不

在險太祖曰不出百年天下民力殫矣范文正公

曰太平則居東京輻湊之地以便天下急難則守

西洛山河之宅以保中原通志曰汴四戰之地受

敵最深魏東徙治梁王假被虜一國為魚梁末帝

之禍尤深王假靖康之難幾於石晉

西京河南府開寶八年修洛

陽宮室九年幸西京四月有事南郊京城周回五

十二里大內據京城之西北宮城周回九里三百

步 南京應天府闕伯所居商丘周為宋國漢為

梁國隋唐為宋州太祖以歸德軍節度使即位定

有天下之號曰宋景德四年升應天府祥符七年

升南京 正殿曰歸德 高宗即位于此 北京大名府漢

屬魏郡後周置魏州唐置天雄軍後唐建鄴都曰

興唐府晉建鄴都曰廣晉府後漢曰大名府 輿地廣記

左傳晉賜畢萬魏卜偃曰魏大名也其地於今為河中之永樂非元城之魏也漢以大名名此失矣

地理通考

卷之四

及古制

今按舊唐書田悅稱魏王以慶曆二年升為北京魏州為大名府其失始此
正殿曰班瑞

中興行都

建炎元年幸揚州三年幸杭州進幸江寧改江寧為建康府四年幸温州復幸越州紹興二年以杭州為臨安府幸臨安三年營建康行宮
即舊府治張浚謂人

主居此則北望中原常憤惕不敢暇逸四年進幸平江府五年還臨

安六年又幸平江七年進幸建康八年復還臨安

遂定都三十一年幸建康三十二年還臨安
真戶

家南渡駐蹕海隅何異越棲會稽之日宗廟宮室本不應過飾禮樂文物本不應告備惟當養民撫士之意復讐而秦檜乃以議和移奪上心粉飾太平沮鑠士氣士大夫參於錢塘湖山歌舞之娛無復故都黍離麥秀之歎此檜之罪所為上通於天而不可贖也朱文公曰建康形勢雄壯然淮破則只隔一水欲進取則可都建康欲自守則莫若都臨安建康形勢勝於臨安張浚欲都建康趙鼎入相遂定都臨安

邵子曰三皇春也五帝夏也三王秋也五伯冬也

七國冬之餘冽也漢王而不足晉伯而有餘三國
 伯之雄者也十六國伯之叢者也南五代伯之借
 乘也北五朝伯之傳舍也隋晉之子也唐漢之弟
 也隋季諸郡之伯江漢之餘波也唐季諸鎮之伯
 日月之餘光也後五代之伯日未出之星也

五伯

夏伯昆吾

杜氏云東郡濮陽縣唐武德四年析濮州濮陽置昆吾縣八年省濮陽縣今屬

開德府括地志昆吾故城在縣西三十里

商伯大彭

今徐州彭城縣或謂之韋

杜氏云東郡白馬縣東南有韋城今滑州韋城縣

周伯齊桓

世家太公都營丘括地志

營丘在青州臨淄北百步外城中水經注臨淄城中有丘淄水出其前經其左故有營丘之名胡公徙都薄姑括地志薄姑城在青州博昌縣今博興縣東北六十里薄姑氏本殷諸侯國地理志琅邪姑幕縣應劭曰薄姑氏之國後漢注姑幕故城在密州莒縣東北獻公徙薄姑都治臨菑輿地廣記青州臨淄縣城臨淄水即營丘也

晉文

叔虞封唐括地志故唐城在絳州翼城縣西二十里

即堯裔子所封子燮為晉侯徙居晉水傍在并州晉陽縣北二里詩譜云燮父以堯墟南有晉水改曰晉侯穆侯自晉陽徙都絳孝侯改絳為翼一名故絳在絳州翼城東南十五里後為曲沃武公所并自曲沃徙都之獻公又命曰絳後魏為北絳縣隋改曰翼城景公遷新田又謂新田為絳括地志也里通學

卷之四

及古制

絳邑故城漢絳縣本晉都新田在絳州曲沃縣南二里因絳山為名通志新田今絳州絳縣

十二諸侯

太史公曰齊晉秦楚其在成周微甚封或百里或五十里晉阻三河齊負東海楚介江淮秦因雍州之固四國佚興更為伯主文武所褒大封皆威而服焉譜十二諸侯自共和訖孔子 魯都曲阜

志兖州曲阜縣外城即魯公伯禽所築祥符中改曲阜為仙源

齊 晉 秦 見

前 楚 見後

宋都商丘 世本宋更名曰睢陽正義今宋州宋城縣

衛都朝歌

故城在衛州衛縣西二十二里衛縣今省入濬州黎陽

戴公廬于

曹 亦作漕今滑州白馬是也

齊桓城楚丘而居文公焉

括地志楚丘滑

州衛南縣今屬開德府

成公遷帝丘

濮陽

元君徙野王

正義懷州城古

野王 邑也

陳都宛丘

今陳州治

蔡本畿內之地為蔡叔

之采邑

孔安國云叔封圻內世本叔居上蔡書正義圻內蔡地不知所在

蔡仲改

封汝南

宋仲子云胡徙居新蔡杜預云武王封叔度於汝南上蔡括地志蔡州上蔡縣在州北七十里古蔡國外城叔度所都

城也有蔡崗在縣東十里因名

平侯徙都新蔡

蔡州新

昭侯徙州來

以州來為下蔡汝南為上蔡州來即下蔡縣今壽春府治

曹都曹

今廣濟軍治定陶是

鄭桓公友初封於鄭

括地志故

城在華州鄭縣西北三里

武公取號鄩十邑之地居之今河南

新鄭是也

鄭州鄭縣

燕 見後

吳都吳

世本吳熟哉始居蕃

離宋忠注熱哉仲雍也蕃離今吳餘暨縣正義太伯居梅丘在常州無錫去東南六十里至十九世

孫壽菴之號句吳諸樊南徙吳至光使子齊築闔閭城今蘇州也世本熟移丹徒句吳家楚

徙吳蘇忠注句吳太伯所居地名索隱云表言十二南敘十三者賤夷狄不數吳吳越春秋太

伯起以周三百步外郭三百餘里在西北隅名曰故城闔閭元年造大城周回二十七里築小

城周十里寰宇記太伯初適吳築城在平門外太伯至王僚二十三王都之今常州無錫縣東南四

十里有吳太伯城是也闔閭始築吳郡城都之今蘇州城是通典常州無錫注太伯始居此地蘇州注闔閭以越都會稽今會稽城亦謂句踐城句

後都于此踐徙都琅邪在密州諸城縣東越見春秋凡六共三稱越皆在昭公之時其

三稱於越二在定公一在哀公之時蘇氏曰十二諸侯首魯訖吳實十三國而越不與焉不知中國

禮樂絕而棄之通與吳之都其南百四十里與越境分

六國

趙之先造父封趙城

今晉州趙城縣

晉獻公賜趙夙耿

今河

中府龍門縣東南

趙襄居原

括地志故原城在懷州濟源縣西北二里今屬孟州簡

子居晉陽

今太原府

獻侯治中牟

索隱曰在河北非鄭之中牟

敬侯

元年始都邯鄲

今磁州縣

魏晉獻公以魏封畢萬

魏城

在陝州芮城縣北五里漢河北縣輿地廣記河中府永樂縣古魏國唐分芮城置水經注永樂澗水北出于薄山南流逕河北縣故城西故魏國也晉以封畢萬

悼子徙治霍

晉州霍邑

魏絳徙治安邑

在陝州夏縣又解州縣武侯二年城安邑

惠王三

十一年徙治大梁

今開封府祥符縣

稱梁王

韓武子封

於韓原

今同州韓城縣

宣子徙居州

漢河內州縣括地志懷州武德縣本周司

寇蘇忿生之州邑也熙寧六年省武德為鎮入河內縣

貞子徙居平陽

晉州臨汾

縣世本云景子徙平陽

哀侯二年滅鄭因徙都鄭

改號口鄭今鄭州新

鄭縣戰國策謂韓惠王曰鄭惠王

齊田和立為齊侯都臨菑

地理

志臨菑名營丘故齊詩曰子之營兮

楚熊繹當周成王時封於楚

蠻居丹陽

徐廣曰在南郡枝江縣今江陵府括地志歸州巴東縣東南四里歸故城楚子

熊繹之始國也輿地志秭歸縣東有丹陽城周迴八里熊繹始封也

文王始都郢

括地

志紀南故城在荊州江陵縣北五十里杜氏云郢今南郡江陵縣北紀南城是括地志平王城郢在

江陵縣東北六里故郢城是也

昭王去郢北徙都都

括地志楚昭王故城在襄

州樂鄉縣東北三十三里輿地廣記都縣故都國春秋時自商密遷此為楚附庸楚滅之昭王畏吳

也里通釋

卷之四

及古

自郢遷焉後復還郢唐改為樂襄王二十三年秦鄉周省入宜成縣今襄陽府

拔郢東北保於陳城今陳州考烈王二十二年東徙

都壽春命曰郢今安豐軍壽春縣項梁立楚懷王孫心為

楚懷王都盱台今招信軍項羽尊懷王為義帝徙長沙

郴縣今郴州荆自文王始見於春秋僖元年始稱楚

燕武王封召公於北燕都薊幽州薊縣司馬公曰春秋時北燕至

微逼介蠻貊不與中國之會盟太史公世家以姑姓之燕仲父依周惠王者為北燕誤矣括地志燕

山在幽州漁陽縣東南六十里國都城記地在燕山之野故國一名焉輿地廣記武王封帝堯之後

於薊又封召公於北燕其後燕國都薊詩補傳曰薊後改為燕猶唐之為晉荆之為楚或曰黃帝之後封於薊者已絕成王更封召公奭於薊為燕

蘇氏曰周衰姬姓復興者三國燕韓魏皆據地千里戰國策安邑者魏之柱國也晉陽者趙之柱國也鄢郢者楚柱國也柱國都也

十八王

漢異姓諸侯表據漢受命譜十八王西楚霸王項

籍都彭城今徐州縣衡山王吳芮都邾今黃州黃岡縣東南臨江

王共敖都江陵江陵府縣九江王英布都六安豐軍安豐縣常

山王張耳都襄國邢州龍岡縣代王趙歇都代蔚州臨淄

也里通釋 卷之四 及古制

王田都都臨菑青州濟北王田安都博陽在濟北膠

東王田市都卽墨萊州膠水縣南雍王章邯都廢丘京北府興

平塞王司馬欣都櫟陽京兆府縣翟王董翳都高奴在

州北今延安府燕王臧荼都薊幽州遼東王韓廣都

無終薊州玉田縣魏王魏豹都平陽晉州城西殷王司

馬印都朝歌衛州衛縣今濬州黎陽縣衛鎮韓王韓成都陽翟今

昌府河南王申陽都雒陽今河南府

西漢末群雄割據

赤眉樊崇立劉盆子於長安居長樂宮 彭寵

漁陽稱燕王今薊州 王郎稱帝於邯鄲今磁州 劉

永據睢陽為梁王稱帝今應天府 盧芳據安定稱西

平王匈奴立為漢帝今涇州 隗囂據天水為朔寧王今秦州初

據平襄後保冀縣 秦豐據黎丘號楚黎王今襄陽府宜城縣黎丘城

張步據臨淄為齊王今青州 董憲據東海為海

西王今海州 李憲據廬江稱淮南王今廬州 公孫

述據成都為蜀王稱帝號成家今成都府

十六國

涼 蜀 趙 後趙 燕 秦 後燕 後秦

西秦 後涼 南涼 南燕 西涼 北涼 夏

北燕 晉載記劉淵以惠帝永興元年據離石

今石稱漢 永嘉二年徙都蒲子今隰州隰 劉曜徙

都長安國號曰趙 謂之前趙曜 李雄以永興元年

稱成都王僭帝位 建國為成壽改 後九年石勒據

襄國 今邢州 稱趙 石虎據鄴今相 張氏先據河西

張軌據姑臧今涼州 是歲自石勒後三十六年也重華自稱

涼王 據敦煌今沙州 謂之前涼 後一年冉閔據鄴稱魏後一年

苻健據長安稱秦 永和八年僭位苻丕稱帝于 慕

容氏先據遼東 虜遷於徒河之青山移居棘城通

城東南一百七十里 稱燕是歲自苻健後一年

也僑始僭號 號以咸康三年即燕王位築龍城改

宮曰和龍通典營州柳城縣七年遷都龍城號新

遼之黃龍府也僑都薊以永和八年僭位自薊城 後

之前燕 後三十一年後燕慕容垂據鄴 都中 後

秦姚萇據長安後二年西燕慕容冲據阿房京兆府長

安縣有是歲也乞伏國仁據枹罕今河稱秦都苑

阿房宮典在蘭州五泉縣後曰子城縣北史築勇士城都

之乾歸遷金城今蘭州謂之西秦水經注苑川水

出勇士縣之子城南山東北流世謂之子城川又

北逕牧師苑故漢牧苑之地也有東西二苑城相

去七里西城即後一年慕容永據上黨稱帝於長

乞伏所都也

子隆德府是歲呂光據姑臧稱涼謂之後涼後十二年

慕容德據滑臺今滑稱南燕都廣固今青是歲禿

髮烏孤據廉川築廉川堡以都之隆安元年稱西

平王水經注漢水又西南合焉廉

川水隗囂奔西城從楊廣後人以廣為廉置楊廣

縣水出西谷東南流逕西城縣故城北後漢注西

城縣屬漢陽郡一名始昌稱南涼烏孤更稱武威

城在今秦州上邽縣西南王後三歲徙于

樂都通典鄯州湟水縣有湟水一名樂都水後魏

置鄯州後周置樂都郡今為西寧州又云烏孤都

廣武張駿置廣武郡蘭州廣武縣也唐更名金城

京兆

都苑

勇士城都

西秦水經注苑川水

子城川又

東西二苑城相

後涼

今青

西

廉

楊廣

漢注西

武威

徙于

後魏

金城

鄯州

後魏

後魏

秦姚萇

是歲也

乞伏國仁

據枹罕

稱秦

後十二年

慕容德

據廉川

是歲禿

髮烏孤

據廉川

稱南涼

是歲禿

髮烏孤

據廉川

稱南涼

後涼

後涼

後涼

據朔方都統萬

今夏州

稱大夏

赫連定僭號於平涼今渭州

後二

年馮跋據和龍

營州柳城

稱北燕為戰國者一百三十

六載

何氏曰晉之興中原半為夷居劉淵匈奴也而居晉陽石勒羯人也而居臨渭慕容鮮卑也而居

而居扶風苻氏氏也而居臨渭慕容鮮卑也而居

昌黎是以劉淵一倡而并雍之胡乘時四起邵子

曰晉室之禍本於夕陽亭之一言石勒長嘯于上

東門亦悠悠爾蘇氏曰劉石慕容苻之儔覆亡相

繼遠者不過一傳再傳而滅何也其心固安於無

法也而束縛於中國之法中國之人固安於法也

而苦其無法君臣相戾上下相厭安

能久乎晉取三焉蜀南燕後秦

隋末群雄割據

鄭王世充據東魏李密據鞏梁蕭銑據夏竇建德

瀛州縣遷燕高開道據漁梁梁師都據朔涼李軌

都洛州薛舉據金永樂李子通據榆定楊劉武周

威州秦薛舉據金永樂李子通據榆定楊劉武周

涼州秦薛舉據金永樂李子通據榆定楊劉武周

為定揚可漢東劉黑闥吳李子通據江吳杜伏威

汗朔州漢東劉黑闥吳李子通據江吳杜伏威

州和梁沈法興起吳宋輔公祐據丹陽即陳楚朱

據南陽元興操師乞據豫楚林士弘據虔魯徐圓

十國

歐陽公曰自唐失其政天下乘時黠髡盜販裘冕
峨巍吳暨南唐姦豪竊攘蜀險而富漢險而貧貧
能自彊富者先亡閩陋荆蹙楚開蠻服剽剝弗堪
吳越其尤牢牲視人嶺蠻遭劉百年之間竝起爭
雄山川亦絕風氣不通語曰清風興群陰伏日月
出燿火息故真人作而天下同

職方考梁初天下別為十一國南有吳 楊行密 浙

錢鏐 荆 高季興 湖 馬殷 閩 王審知 漢 劉隱 西有岐

李茂貞 蜀 王建 北有燕 劉仁叅 晉 李克用 至於周

末在者七國自江以南二十一州為南唐自劔以

南及山南西道四十六州為蜀自湖南北十州為

楚自浙東西十三州為吳越自嶺南北四十七州

為南漢自太原以北十州為東漢而荆歸峽三州

為南平 劉道原十國紀年吳 楊行密 唐 李昇後

都金陵遷豫 前蜀 王建 後蜀 孟知祥 吳越 錢鏐 閩

章復都金陵 漢 劉隱 楚 馬殷 荆南 高季興 北漢 劉旻

福州 也 地理通釋 卷之四 五代

史曰東漢王延政以建州稱殷即閩也

胡文定公曰避寇而徙都未有能復振者周自豐

鎬徙于東洛而不振魏自安邑徙于大梁而不振

楚自渚宮徙于陳蔡而不振劉嗣自咸陽徙于上

邽而不振赫連定自統萬徙于北地而不振李景

自秣陵徙于豫章而不振故中夏定都必與俱存

而不動李氏紀曰後唐李氏有淮南則可都金陵其後失之遂以削弱

通鑑地理通釋卷之四終

通鑑地理通釋卷之五

十道山川攷

禹貢定高山大川以別九州之境職方爾雅取法

焉山川萬古不易州縣隨時變遷後之志地理考

附山川于注失其綱領唯唐六典敘十道得禹貢

遺意今釋其地以備參攷山川能說九能之一或

庶幾焉

關內

東距河

班固西都賦帶以洪河注書曰導河自積石南至于華陰

西極隴坂

隴坂即隴坻今之隴山應劭曰隴西郡有隴坻在其西見後杜篤論都賦置列汧隴靡偃西戎

西京賦右有隴坻之隘

注應劭曰天水有大坂曰隴坻

南據終南之山

西都賦表以太華終南之山地理志武功縣太一山古文以為終南張衡西京賦終南太一隆

嶠崔嵬

注五經要義太一一名終南山在扶風武功縣此云終南太一不得為一山明

矣蓋終南南山之總名太一一山之別號郡縣志終南山在京兆府

萬年縣南五十里按經傳所說一名太一亦名

中南

據西京賦云西征賦云九嶷巖嶷太一隴從面終南而背雲陽跨平原而連嶓冢然

則終南太一一非一山也左傳中南九州之險也柳宗元謂

據天之中在都之南西至于褒斜又西至于隴

首以臨于戎東至于商顏又東至于太華以距于關其物產之厚器用之出則璆琳琅玕夏書載焉紀堂條梅秦風詠焉

終南山又在鳳翔府郿縣南三十里

北邊沙漠

唐世突厥薄渭橋吐蕃入奉天邇戎狄故也

名山 太白

在鳳翔府郿縣東南五十里

漢武功縣地

柳宗元碑

云其地寒冰雪之積未嘗已水經注地理志武

功縣有大一山古文以為終南杜預以為中

亦曰太白山在武功縣南去長安二百里俗云

武功太白山去天三百杜彥達曰太白山南連武

功山於諸山最為秀桀冬夏積雪望之皓然

韓愈

南山詩西南雄太白唐田游巖入太白山

九巖

在京兆府醴泉縣漢左馮翊谷口縣也

谷口縣九巖山

在谷口故城在醴泉東北四十里西都賦冠以

九嶷陪以甘泉西京賦九嶷甘泉涸陰沍寒水
經注涇水東經九嶷山東中山西謂之峇口

吳山

職方雍州山鎮嶽山在隴州吳山縣西南五十

里謂之吳嶽唐為西鎮

禹貢導岍漢志以為扶風汧縣吳山按隴州汧

源縣有岍山汧水所出非吳山也

岐山

在鳳翔府岐山縣東北十里亦名天柱山漢右

扶風美陽縣西北周大王所邑文王始亦治焉

西京賦注說文曰岐山在長安西美陽縣界山

有兩岐故因以名焉周之興也鸞鷲鳴於岐山

成王有岐陽之蒐石鼓文在天興縣南二十里

石形如鼓其數有十韋應物詩謂宣王大獵岐

陽韓愈歌亦云蒐岐陽其文可見者四百六十

五

呂氏春秋九山之一河圖曰岐山在崑崙東南為地乳岐陽鎮詩所謂居岐之陽也

梁山

在京兆府奉天縣北五里

漢志有扶風好時縣有梁山九域志奉

天縣鳳翔府好時縣有梁山

古公踰梁山秦立梁山宮又同

州韓城縣南十九里亦有梁山漢左馮翊夏陽

縣西北詩韓奕所謂奕奕梁山也爾雅以為晉

望薛氏禹貢解曰梁山在同州韓城縣而乾州好時縣亦有梁山在邠岐間非禹貢之梁山也

泰華

在華州華陰縣南八里山海經華首之山西六

十里曰太華之山削成而四方其高五千仞北

廣十里

太華西八十里少華之山西京賦綴以二華少華山在華州鄭縣東南十里

唐玄宗銘曰雄峰峻削藹蒼森爽是曰靈嶽衆

山之長偉哉此鎮崢嶸中土高標赫日半壁飛

雨華嶽題名五百十一人再題三十一人自開

元訖清泰

獨孤及仙掌銘巨靈鼉肩高掌遠蹠以流河曲厥跡猶存巨靈河神也遁

甲開山圖曰巨靈能造山川出江河

大川 涇

出原州百泉縣開頭山東南至京兆府高陵縣入渭職方雍州川論都賦帶以涇渭號曰陸海

山海經出長城北山

渭

出渭州渭源縣

今熙州渭源堡

鳥鼠山東至華州華陰

縣入河山海經鳥鼠同穴之山渭水出焉東流

注于河水經出南谷山在鳥鼠山西北職方雍

州浸郡縣志在京兆萬年縣北五十里論都賦

鴻渭之流徑入于河大船萬石轉漕相過潘岳

西征賦北有清渭濁涇

黃氏曰渭水出熙州狄道縣鳥鼠同穴山東南

至華州華陰縣入河

灞

出藍田谷北入渭在京兆府萬年縣東二十一

里西征賦南有玄灞素澹

通典荆溪下流也故滋水秦穆公更名以

顯霸郡縣志即秦嶺之下流東南自商川上洛

縣界流入又西北流合澹水入渭白鹿原在萬

年縣東二十里亦謂之霸上

澆

亦出藍田谷北至萬年縣入渭水經北入于灞

注云北歷藍田川上林賦終始霸產唐望春宮

北流注于霸水臨澆水韋堅治漢隋運渠絕灞澆並長樂坡在

年縣東北十二里本澆陂隋文帝

遠夷控北蕃突厥

吐蕃本西羌屬散處河湟江岷間或曰南涼禿

髮利鹿孤之後突厥古匈奴北部居金山之陽

其地三垂薄海南抵大漠

河南

東盡于海

古青徐之城

西距函谷

古函谷關在陝州靈寶縣函谷故城在縣南十

里東自崤山西至潼津通名函谷號曰天險所

謂秦得百二也

南瀕于淮

古徐州之域

北薄于河

古豫兗之域洛陝負河而北號汝許鄭負河而

南

名山 三嶠

又名嶽崓山在河南府永寧縣北二十八里自

東嶠至西嶠二十五里

呂氏春秋九塞之一

輿地廣記

嶠山連入硤石界其南陵夏后臯之墓其北陵

文王之所避風雨春秋晉敗秦師于殽陝州石

壕鎮本殽縣後魏置唐改硤石

誦訓掌道方志以詔觀事若魯

有大庭氏之庫殽之二陵

少室

在河南府登封縣西十里漢潁川密高縣也在

告成縣西北五十里漢陽城縣述征記漢武築

登仙臺

砥柱

俗名三門山在陝州硤石縣東北五十里黃河

中山有三門河所經唐太宗勒銘硤石省入陝縣山在

河中形若柱水經注謂禹所鑿禹貢導河積石至于龍門又東

至于砥柱李齊物鑿砥柱為門以通漕裴

耀卿鑿漕渠以避三門之險隋開皇十五年

蒙山

鑿砥柱宋乾德元年鑿砥柱

在沂州費縣西北八十里楚老萊子所耕處禹貢蒙羽

其藝詩奄有龜蒙漢泰山郡蒙陰縣西南東蒙山在

費縣西北七十五里顯更為東蒙主近於費

嶧山

一名鄒山在兗州鄒縣南二十二里郡縣志秦

始皇觀禮于魯刻石於嶧山禹貢嶧陽孤桐詩

奄有鳧繹太史公鄉射鄒嶧晉郗鑿避難嶧山中鎮鄒山後自嶧山奔下邳

嵩

在河南府登封縣北八里漢潁川密即嵩高縣

也一曰太室山是為中嶽晉司馬侯曰大室九州之險也漢武帝禮

登太室郡縣志東曰太室西曰少室嵩高總名即中嶽也山高二十里周迴一百三十里少

室山在縣西十里啓母祠縣東北七里漢武帝祀中嶽見夏啓母石是也

岱

職方兗州山鎮岱山泰山也一曰岱宗在襲慶

府奉符縣西北三十里唐兗州乾封縣漢泰山郡博縣

西北漢官儀泰山東南名曰日觀管仲曰古者封泰山禪梁父者七十二家社首山在

縣西北二十六里

大川伊

出商州上洛縣熊耳山東北至河南府洛陽縣

南北入于洛郡縣志伊水在河南縣東南十八里秦三川郡謂河

洛伊山海經蔓渠之山伊水出焉東流注于洛

洛

職方豫州川出商州洛南縣冢領山至河南府

鞏縣入河郡縣志在洛陽縣西南三里西繫辭

曰洛出書禹貢豫州伊洛入于河

伊水入洛山洛水入河

海經謹舉之山雒水出焉東北流注于玄扈之

水

河圖曰玄扈洛汭

冢嶺山在河南縣西七十里洛水

所出

汝

出汝州梁縣天息山逕蔡潁州入淮爾雅汝為

濱

潁

出河南府陽城縣陽乾山東至壽春府下蔡入

淮

皆古豫州地職方以為荆州浸未詳

山海經出少室

黃氏曰出河南登封

陽乾山東南流至潁川潁上縣入淮

沂

出沂州沂水縣艾山南至下邳西南入泗禹貢

徐州淮沂其乂職方青州浸曾氏曰徐州水以

沂名者非一酈道元謂水出尼丘山西北徑魯

之雲門亦謂之沂水水出泰山武陽之冠石山

亦謂之沂水禹貢廣記曰沂水經下邳縣分爲一水一水於城北西南入泗一水經城東屈曲從縣南亦注泗謂之小沂水

泗

職方青州川出襲慶府泗水縣桃墟西北陪尾山源有泉四四泉俱導因以爲名西南過彭城又東南過下邳入淮禹貢泗濱孔子宅在曲阜縣今仙源縣故魯城中歸德門內闕里之中背洙泗

嬰相圃之東北太史公北涉汶泗講業齊魯之都觀夫子遺風

淮

職方青州川出唐州桐柏縣桐柏大復山東南至盱眙軍招信縣入海水經云出南陽平氏縣

胎簪山

禹自桐柏導之耳桐柏縣漢平氏縣東界

濟

職方兗州川洙當以古文洙字爲正出絳州垣曲縣王屋

山東南始發源曰沅水既見而伏東出於孟州
 濟源縣二源東源周迴七百步西源周迴六百
 八十五步合流至溫縣是為濟水西南入于河
 山海經出共山南東丘酈道元謂當王莽之世
 川瀆枯竭但入河而已不復截流而南古說濟水伏流
 地通典禹貢濟水洙為滎今不復入滎
 遠夷控海東新羅日本

新羅魏時新盧國本辰韓種辰韓始有六國稍

分為十二新羅其一也國在百濟東南東瀆大
 海兼有沃沮不耐韓濊之地倭自後漢通焉
 在帶方東南大海中依山島居一名日本自云
 國在日邊故以為稱

河東

東距常山

左傳晉表裏山河常山見後

西據河

河至慈州文城縣孟門山是為入龍門至絳州
汾州合河之上是為出龍門口柳子晉問晉之
故封黃河迤之

南抵首陽太行

雷首山在河中府河東縣本蒲坂舜都也夷齊

居其陽所謂首陽山也山南曰陽石曼卿詩謂耻生

湯武干戈日寧死唐虞揖遜區詩唐風采芣首

陽

太行山在懷州河內縣西北亘十州之界連亘河北

諸州始於懷而達於幽為天下之脊一名皇母一名女

媧其上有女媧祠寰宇記在河內縣北二十五里郡縣志太行陁在縣西北

三十里崔伯陽感山賦曰上正樞星下開冀方逢

胃而畢自柳以張亂則冀安弱則冀強起為名

丘妥為平岡歸乎甚尊其名太行墨翟察而知

驥之貴尸佼過而辨牛之難穆王升由雀道而

出世宗行自大河而還孝明嘗登幸上黨郡章

帝以游至天井關孟德北上紀摧輪之恐謝公
西顧引憂生之端阮籍失路而詠懷劉峻懷交
而發歎歸晉陽子惠之便道對二坂祖潛之詳
觀決羊腸之險漸此山之道攻滎陽伐韓以威
天下應侯爲秦昭王之謀也據敖倉之粟杜此
山之阨距飛狐之口守白馬之津使天下知所
歸者酈食其爲漢高祖之謀也踰此山入射犬
破青犢之衆殺謝躬於鄴以收復天下爲心者

漢光武之謀也濟河降射犬之衆還軍敖倉屬
魏种以河北事然後西向以爭天下者魏武帝
之謀也進據武牢扼其襟要俾竇建德不能踰
山入上黨收河東之地而卒以并天下者唐太
宗之謀也禹貢太行恒山至于碣石注曰二

山連延東北接碣石述征記曰太行山首始於

河內自河內北至幽州凡有八陁

罕都陁在幽州昌平縣北

十里太行八陁蓋盡於此

北邊匈奴

漢匈奴傳詩薄伐獫狁至于太原晉文公攘戎翟悼公和戎翟戰國趙邊於匈奴

名山 雷首

在河中府河東縣南十五里禹貢壺口雷首至

于太岳一名中條山唐司空圖居山之王官谷

唐志河中府永樂縣 壺口山在慈州吉鄉縣 郡縣志平山一名壺口山今名姑射山在晉州 臨汾縣 西八里

介山

在河中府萬泉縣漢河東汾陰縣南武帝用介山其山

特立周七十里高三十里在縣西南二十里 唐志又汾州介休縣亦有介山

霍山

職方冀州山鎮謂之霍大山在晉州霍邑縣東

北三十里漢河東彘縣禹貢大岳岳陽

崞山 音郭

在代州崞縣本作崞誤後漢書注崞縣有崞山地理

志名山無崞山有五臺山在代州五臺縣東北百四十里道經以為紫府山內經以為清涼山

漢慮虎縣隋改九域志崞縣有崞山

大川 汾水

職方冀州浸出憲州靜樂縣漢汾陽縣地北管涔山

南流至河中府寶鼎縣北入河寶鼎漢汾陰縣說文出

太原晉陽山西南入河詩彼汾沮洳國語宰孔

曰晉景霍以為城汾河涑澮以為淵山海經管涔之山汾

水出焉又云汾水出上窳北

晉水

在太原府陽曲縣晉陽省入陽曲出縣西懸壺山東入

汾山海經縣雍之山晉水出焉東南流注于汾

水雍音甕詩譜晉陽南有晉水唐叔子燮改為晉

侯唐北都城左汾右晉

丹水

澤州高平縣有泫水一曰丹水漢上黨高都縣

莞谷丹水所出東南入泫水

高都澤州晉城縣隋曰丹川

沁水

出沁州沁源縣

漢穀遠縣後魏改今屬威勝軍

羊頭山世靡谷

至懷州武陟縣入河澤州有沁水縣山海經謁

戾之山

在上黨涅縣

沁水出焉南流注于河

注云至滎陽東

北入

又云出井陘山東東南注河入懷東南

懷縣

今武陟

河北

東並于海

滄州安東並海

南近于河

爾雅兩河間曰冀州職方河內曰冀州通典河

在無棣縣界

西距太行常山

見前地理志媯州懷戎縣東南五十里有居

庸塞東連盧龍碣石西屬太行常山實天下之

險有鐵門關居庸呂氏春秋九塞之一

北通渝關

渝關在幽州北七百里營州城西四百八十里

又平州石城縣有臨渝關在州西一百八十里

因渝水為名

名山 林慮音盧

在相州林慮縣西二十里本隆慮漢屬河內郡殤帝改為林夏

馥入山中匿姓名為冶家傭崔伯易感山賦隆

慮雷首橋順二子師事仙人盧子基於隆慮山樓霞谷

白鹿

在衛州共城縣西五十四里隋章仇大翼隱於白鹿山徙居林慮

山茱萸澗

封龍

一名飛龍山在真定府獲鹿縣南四十五里漢石

邑郡縣志飛龍山在趙州元氏縣西北三十里

趙武靈王取封龍隋志石邑縣有封龍山唐志趙州元氏縣有封龍山晉王浚使祁弘東討石

勒戰於
飛龍山

井陘

陘山在真定府井陘縣東南八十里四面高平

中下似井故名之韓信擊趙欲下井陘隋唐置

井州呂氏春秋井陘口今各土門口在獲鹿縣

西南十里有井陘關一名土門即太行八陘之

第五陘也

碣石

在平州石城縣西南漢右北平郡驪城縣通典

州盧龍縣南二十餘里郡碣然而立在海旁水

經注驪城枕海有石如甬道數十里當山頂有

大石如柱形其山昔在河口海濱歷世既久為

水所漸淪入于海去岸五百餘里秦築長城起

今高麗界與禹貢夾右碣石入于河山海經碣

石之山繩水出焉注水經曰今在遼西臨渝縣

南水中秦皇刻碣石門登之以望巨海漢武帝

上至碣石通典碣石山在漢樂浪郡遂城縣長城起

於此山長城東截遼水而入高麗遺趾猶存右碣

石即河赴海處在平州高麗中為左碣石

常嶽

在定州曲陽縣西北郡縣志在縣北一百四十里常水所出職方并州山鎮曰恒山是為北嶽

大川 漳

職方冀州川 濁漳水出潞州長子縣發鳩山

東至相州鄴縣入清漳又清漳出太原府樂平縣少山東北流至德州長河縣瀛州平舒縣入于河周定王五年河徙而東故漳水不入河而自達于海

淇

出相州臨慮縣西大號山南逕朝歌縣北山海經沮洳之山滌水出焉南流注于河郡縣志出衛州共城縣西北沮洳山至衛縣古朝歌入河謂

之淇水口詩抑曰亦流于淇鄘曰送我淇上衛
曰瞻彼淇奧

呼沱

職方并州川虜池山海經出大戲之山在代州

繁峙縣

山在縣東南九十里

東南流經五臺山東流至文

安縣入海

何承矩築隄儲水為阻固並邊諸河若滹沱胡蘆永濟等河皆匯于唐

遠夷控契丹奚靺鞨室韋

契丹與庫莫奚異種同類當遼西正北二百里

隨水草畜牧唐貞觀中內屬以為松漠都督府

庫莫奚鮮卑宇文別種後強盛有阿會氏諸部

皆歸之至隋代號曰奚靺鞨隋文帝初來獻謂

印勿吉也古肅慎國地西北與契丹接室韋後

魏末通焉在靺鞨之北有五部南室韋在契丹

北三千里北室韋分九部唐所聞有九部焉

山南

東接荆楚

也里通釋

卷之五

及古

詩有蠻荆荆楚春秋莊公之世書荆僖公元年
始書楚

西抵隴蜀

秦隴巴蜀

南控大江

詩江漢之域卽荆梁二州

北據商華之山

商山在商州上洛縣南十四里商洛縣南一里

亦名地肺山亦名楚山四皓所隱王莽傳謂繞

雷之固南當荆楚言四面塞阨屈曲水回繞而

雷卽七盤十二繞 華山 見前

名山 嶓冢

在興元府金牛縣 今大安軍 三泉縣 東二十里漢水所

出禹貢岷嶓旣藝嶓冢導漾東流爲漢 一在秦州 清水

縣郡縣志在秦州上邽縣西南五十八里 漾水所出薛氏曰隴東之山皆嶓冢也 山海

經大時之山又西三百二十里曰嶓冢之山漢

水出焉而東南流注于沔注嶓冢在武都氏道

縣南

熊耳

在商州上洛縣南四十里其山兩峰狀若熊耳

禹貢導洛自熊耳其山在虢州盧氏縣界齊桓公登

熊耳山以望江漢山海經浮濠之水出焉西流注于洛

巫峽

在夔州巫山縣西楚置巫郡荆州記信陵縣西

二十里有巫峽

建平郡信陵縣今歸州巴東縣通典晉置建平郡於巫山縣

銅梁

在合州石照縣

唐石鏡縣

南五里左思蜀都賦外負

銅梁

山之北址即巴子故城

荆山

在襄陽府南漳縣禹貢南條荆山

山海經荆山漳水出焉而

東南流注于雎雎與沮同禹貢荆及衡陽惟荆州即此山下和得玉之處

峴山

在襄陽府襄陽縣東南九里歐陽文忠公記曰
峴山臨漢上望之隱然蓋諸山之小者而其名
特著於荊州蓋羊祜以其仁杜預以其功

大川 巴水

巴江在達州永睦縣 巴江渠江合於通川縣東南

漢水

職方荊州川禹貢漾漢為東漢水出大安軍三
泉縣西蟠冢山至漢陽軍漢陽縣入江漢水一

名沔水酈道元謂東西兩川俱出蟠冢而同為

漢水 詩漢之廣矣楚漢水以為池 沔水源出武都末狼谷

中即漢水之上源山海經蟠冢之山漢水出焉
東南流注于沔

沮水

在荊門軍當陽縣 漢臨沮故郡縣志出房州永

清縣 省入房陵 西南景山東南入于漢江一云出房

州房陵縣東山東南過江陵府枝江縣入于江

王粲登樓賦倚曲沮千余之長洲顏師古曰左

一傳江漢沮漳楚之望也山海經景山雖水出焉

東南流注于江景山在南郡房陵西南二百里

清水

出虢州盧氏縣南至鄧州順陽縣入于沔山海

經攻離之山清水出焉南流注于漢在清陽縣

南漢南陽郡清陽縣在清水之陽故城在鄧州南陽縣南晉杜預修召信臣遺迹激用清水

浸原田萬餘頃郡縣志東去鄧州南陽縣三里西去新

野縣二百步九域志金州洵陽縣有清水

隴右

東接秦州

漢隴西秦亭秦谷今秦州地

西逾流沙

流沙在沙州西八十里其沙隨風流行禹貢導

弱水餘波入于流沙漢志張掖郡居延縣居延澤在東北古文以為流沙

在唐甘州張掖縣東北百六十里沈括云嘗過無定河活沙履之百步皆動如行幕上或陷則

人馬車駝以百千數無子遺者或謂此即流沙也

南連蜀及吐蕃

蜀始見于牧誓秦惠王伐蜀有其地

前

吐蕃見

北界朔漠

唐置北庭安西都護府抵大漠

名山 秦嶺

在秦州上邽縣

省入成紀

九域志隴州隴安縣有秦

嶺山西都賦晞秦嶺晁氏以為隴山秦嶺皆古

之岍

通典秦嶺在京兆藍田縣界又商州上洛縣西十八里有秦嶺山嶺北為秦山南為

漢山周六百二十里

隴坻

在秦州隴城縣

大隴山在縣東一百里

西京賦右有隴坻

之隘

丁禮切

漢武帝幸雍遂踰隴通典隴州汧源

縣隴山在縣西六十二里一曰隴坻

秦州隴城縣有大隴

亦曰隴首山清水縣小隴山一名隴坻又名分水嶺

西傾

在洮州臨潭縣

漢臨洮縣

西南後名西強山在吐谷

渾界水經西傾之南桓水出焉禹貢西傾因桓

是來

吐谷渾阿豺升西強山觀墊江源與地記西頃之北洮水所出北流入河

朱圉

在西和州大潭縣俗呼為白巖山郡縣志在秦

州伏羌縣西南六十里

積石

在訶州龍支縣西九十八里黃河在縣西南六

十里禹貢導河始此漢段熲追羌出塞至積石

河自積石始西南流山海經積石山其下有石門河水冒之以西南流廓州積石

軍在州西南西臨大澗北枕黃河河州枹罕縣

積石山一名唐述山在縣西北七十里

今人自龍支縣

山為大積石山此名小積石山

合黎

在甘州張掖縣西北二百里亦名羌谷俗名要

塗山水經在酒泉會水縣東北禹貢導弱水至于合黎通典合黎

水弱水並在張掖縣

崆峒

在岷州溢樂縣西二十里唐地理志今西和州史記黃帝

西至空桐韋昭曰在隴右正義笄頭山一名崆

峒在原州平高縣五百里括地志在肅州福祿

縣東南六十里二處皆云黃帝登之未詳孰是漢武帝至隴西

登空桐

三危

在沙州燉煌縣南三十里山有三峰故曰三危

舜竄三苗禹貢三危既宅導黑水至于三危鄭

玄引河圖及地說云在鳥鼠西南山海經廣員百里

鳥鼠同穴

在渭州渭源縣西七十六里今熙州渭源堡俗呼為青

雀山其同穴鳥如家雀色小青鼠如家鼠色小

黃渭水出焉禹貢導渭自鳥鼠同穴同穴山名鳥鼠山者

同穴之枝山也孔氏曰鳥鼠共為雌雄同穴而處其說怪誕不經河圖曰鳥鼠

同穴地之幹也上為掩畢星山海經注鳥名曰鷦鼠名曰鷦鷯如人家鼠而短尾鷦似燕而黃色穿地入數尺鼠在內鳥在外而共處

大川 洮水

出西羌中北至河州枹罕縣入河

弱水

出吐谷渾界窮石山自甘州剛丹縣西至合黎

山與張掖縣河合其水力不勝芥然可以皮船

渡通鑑魏太武擊柔然至栗水西行至菟園水

又循弱水西行至涿邪山則弱水在菟園水之

西涿邪山之東禹貢弱水既西以水皆東流唯弱黑二水乃西

注耳

羌水

出塞外水經出羌中參合南至陰平文州入白水

河瀆

河源在西徼之外禹迹所及其於積石漢志河

水行塞外東北入塞內至章武入海章武縣漢屬渤海今

入滄州清池縣六典凡天下水泉三億三萬三千五百

五十有九其在遐荒絕域者不可得而知江河

自西極達東溟中國之大川也百三十有五水

是為中川千二百五十二水斯為小川桑欽水經所引

天下之水百三十七江河在焉鄺善長注引枝流一千二百五十二曾氏曰河自西出而南又

東折然後北注於海隄防之起自戰國而漢以來築作者輒復敗

什厚清

在涼州姑臧縣東北屠直閭切漢志云禹貢豬野

史記都野

遠夷控西域胡戎

西域隋大業中來朝者四十餘國唐貞觀四年

伊吾來降列其地為西伊州武后時王孝傑復

四鎮自是諸國朝貢侔於前代胡戎党項羊同

悉立泥婆羅之屬

淮南

東臨海

禹貢揚州東距海

西抵漢

沔安二州抵漢水 沔今漢陽軍安今德安府

南據江

漢志江東至江都入海 薛氏曰大江過湖口東行至通州海門縣入海

北距淮

禹貢揚州北據淮跨淮而過

名山 八公

一名淝陵山在壽州壽春縣北四里淝水之北

淮水之南 今安 苻堅望見八公山上草木皆以

為晉兵 宋景文公覽郡圖得八公山故老言山上有車轍馬跡是淮南王上賓之遺耕

者往往得金丹砂所化可以療病因作詆仙賦 上有淮南王安廟圖安及八士像

灊

在安慶府懷寧縣西北二十里 通典一名天柱山灊音潛漢武

地理通釋

卷之五

漢古階

帝嘗登

大別

在壽州霍山縣

今安豐軍六安縣

史記索隱云在安豐

縣薛氏曰大別山在漢陽軍亦曰甌山左傳楚

拒吳濟漢而陳自小別至于大別

小別山在漢川縣東南五

十里禹貢導嶓冢至于荆山內方至于大別

近漢之山

今漢陽軍漢陽縣東北一百步其山前

魯山一名大別

霍山

在霍山縣南五里開寶元年省為鎮入六安

書注南嶽霍山在潛縣屬廬江一名天柱山

武帝

新登爾雅南嶽

羅山

在申州羅山縣

今信陽軍

西南九里有石城山甚高

峻在鍾山縣西南二十一里冥阨蓋謂此山

呂氏

春秋九塞之一

塗山

在壽春縣東北濠州鍾離縣西九十五里禹會

諸侯周穆亦會柳宗元有銘

下有縣廟山
前有禹會村

大川 滁水

在滁州全椒縣南六十里原出廬州梁縣軍瓜

步入大江

肥水

自安豐縣流入經壽春縣北又西入淮晉謝石

謝玄大破秦兵于肥水齊垣崇祖於壽陽城西

北堰肥水

集湖

在廬州合肥縣東南六十四里亦名焦湖

江南

東臨海

謂蘇杭台溫明等州吳舟師自海入齊

西抵蜀

謂施黔等州

也里通釋

卷之五

及古月

南極嶺

五嶺在虔郴永道州

北帶江

謂洪江鄂等州

名山 茅山

在建康府句容縣東南六十里鎮江府金壇縣

西南三十五里唐置茅州一名句曲山言山形

如句字之曲三茅得道之所

蔣山

在建康府上元縣西北十八里唐置蔣州

蔣子文立

廟鍾山封為蔣侯因改為蔣山江表上已常遊於此為衆山之傑

天目

在臨安府於潛縣北六十里有兩峰峰頂各一

池左右相對名曰天目

郭璞云天目山前兩乳長龍飛鳳舞到錢唐

會稽

職方揚州山鎮在紹興府會稽縣東南二十里

有禹穴禹於此會諸侯之計因名秦始皇上會

稽祭大禹立石頌德太史公上會稽探禹穴越

絕書勾踐小城山陰是也呂氏春秋九山之一水經注會稽山東

有穴深不見底謂之禹井

四明

唐志在越州餘姚縣西一百五十里明州以境

有四明山為名在州西八十里山海經句餘之

山注今在餘姚南句章北二縣因為名謝靈運

山居賦注天台四明相接連四明方石四面自

然開窻九域志鄞有四明山慈溪有句餘山

天台

在台州天台縣北十里一曰桐柏山高萬八千

丈周旋八百里其山八重四面如一赤城山在

縣北六里天台之南門也各山略記曰葛仙公

山也孫綽有賦唐司馬子微廬天台隋徐則入天台山

括蒼

在處州麗水縣本括州隋置括蒼縣唐改輿地廣記

台州臨海縣有括蒼山寰宇記今蒼嶺

縉雲

在處州縉雲縣一名仙都本括蒼縣地舊傳黃帝遊仙之處有孤

石特起高二百丈峰數十或如羊角或如蓮花隋徐則杖策入縉雲山

金華

在婺州金華縣北二十里赤松子得道處神仙

傳皇初平至金華居石室中金華洞在縣北三十里

大庾

在南安軍大庾縣西南二十里一名塞上嶺即

五嶺之一五嶺之最東者亦曰東嶠漢時呂嘉反漢軍伐之

監軍姓庾城於此故謂之大庾嶺唐志在虔州

南康縣今南安軍高駢繇大庾擊賊廣州

武夷

在建寧府崇安縣南三十里漢郊祀志有武夷

君通典在建安縣唐志在建陽縣時未有崇安縣朱文公武夷圖序峰

巒巖壑秀拔奇偉清溪九曲流出其間

文公築精舍于

五曲大隱屏之下

廬山

在江州潯陽縣

今德化

東三十二里南康軍城北

十五里本名鄣山郡縣志匡俗

字子孝

廬于此山

漢武帝拜為大明公俗號廬君故名山周環五

百餘里太史公南登廬山觀禹疏九江廬山東

白鹿洞唐李渤之隱居南唐荆書院

衡嶽

職方荊州山鎮在潭州衡山縣西三十里衡州

衡陽縣北七十里有五峰曰紫蓋天柱芙蓉石

廩祝融湘中記曰衡山有玉牒禹案其文以治

水遙望衡山如陣雲郭璞曰山別名岫嶠韓文

公詩岫嶠山尖神禹碑南嶽記曰朱陵之靈臺

宿當翼軫度應機衡故為名禹導水通瀆刻石

書名山之高南嶽文云高四千一十丈

岫嶠者衡山南

麓別峰之名通典衡山在衡州湘潭縣衡嶽廟在衡山縣西三十里

大川 浙江

在臨安府錢塘縣南十二里越州蕭山縣西二

十五里莊子云浙河蓋取其曲折為各地理志

水經曰漸江

郡縣志江源自歙州界東北流經界石山又東北經州北又東北流

入于海江濤每日晝夜再上常以月十日二十
五日最小月三日十八日極大小則水漸漲不
過數尺大則濤湧高至數丈每年八月十八日
數百里士女共觀舟人漁于沂濤觸浪謂之弄
濤

秦始皇至錢唐臨浙江吳越春秋越王至浙

江之上望見大越山川重秀天地再清

前潮水伍子胥

也後重水大夫種也

燕肅海潮圖論曰浙江夾岸有山

南曰

龕北曰赭

二山相對謂之海門岸狹勢逼涌而為濤

高麗圖經云潮汐往來應期不爽為天地之至

信古人嘗論之在山海經以為海鱗出入之度

浮屠書以為神龍之變化竇叔蒙海濤志以為

水隨月之盈虧盧肇海潮賦以謂日出于海衝

擊而成王充論衡以為水者地之血脉隨氣進

退率未之盡

大抵天包水水承地而一元之氣升降於太空之中地乘水力以自

持且與元氣升降互為抑揚而人不覺方其氣升而地沉則海水溢上而為潮及其氣降而地浮則海水縮而為汐計日十二辰由子至巳其氣為陽而陽之氣又自有升降以運乎晝由午至亥其氣為陰而陰之氣又自有升降以運乎夜一晝一夜合陰陽之氣凡再升再降故一日之間潮汐皆再焉然晝夜之攻擊乘日升降如應乎月日臨於子則陽氣始升月臨於午則陰氣始升故也夕潮之期日皆臨子晝潮之期月皆臨午焉又日行遲月行速以速應遲每二十九度過半而月行及之日月之會謂之合朔故月朔之夜潮日亦臨子月朔之晝潮日亦臨午焉且晝即天上而言之日月之會謂之合朔故朔而往月速漸東至於漸遲而潮亦應之以遲

於晝故晝潮自朔後迭差而入於夜此所以一日午時二日午末三日未時四日未末五日申時六日申末七日酉時八日酉末也至夜即海下而言之天體東轉日月西行自朔而往月速漸西至於漸遲而潮亦應之以遲於夜故夜潮自朔後迭復而入於晝此所以一日子時二日子末三日丑時四日丑末五日寅時六日寅末七日卯時八日卯末也以時有交變氣有盛衰而潮之所至亦因之為大小

湘水

出全州清湘縣陽朔山東入洞庭北至衡州衡

陽縣入江太史公浮沅湘

山海經湘水出舜葬東南陬西環之入洞

庭下

贛水

山海經出聶都東山東北注江入彭澤西

注云出南

野縣西北南野今南安軍大庾縣聶都山在縣西南

漢地理志贛縣豫章

水出西南北入大江通典虔州贛縣有章水貢

水合流故曰贛

虔州今改為贛東江發源於汀州新樂山經雩都會于章水西

江導源於大庾縣之聶都山與貢水合

沅水

在常德府武陵縣漢臨沅縣地至長沙入洞庭

湖又入龍陽縣界歷凡洲洲長二十里即李衡

種柏所地理志水經出梓柯且蘭縣

今遵義軍播州地

山海經出象郡鐔城西入東注江入下雋西合

洞庭中楚辭沅有芷今澧有蘭濟沅湘以南征

澧水

在澧州澧陽縣出慈利縣歷山東至辰州沅陵

縣入沅注于洞庭水經云出武陵充縣西至長

沙下雋縣西北入江禹貢又東至于澧楚辭澧浦薛氏曰出澧州石門縣東合石門縣之涪水至安鄉縣入洞庭湖

洞庭

在岳州巴陵縣西南一里五十步

周廻二百六十里

青

草湖相連青草在南洞庭在北

巴丘湖又名青草湖在縣南七

十九里周廻二百六十五里

洞庭太湖也廣圓五百餘里日

月若出沒於其中中有君山在縣西三十里青

草湖中莊子黃帝張咸池之樂於洞庭之野楚

辭遺吾道兮洞庭

資水沅水澧水湘水同注洞庭北會大江名五渚戰國策

秦與荆戰大破之取洞庭五渚謂此也薛氏曰洞庭即巴丘也合沅湘諸水至岳州巴陵縣入江

彭蠡

在江州潯陽縣

今德化縣

括地志在縣東南五十里

六典注一名宮亭湖

俗謂之鄱陽湖

在南康軍星子縣

南江州彭澤縣西地理志在豫章郡彭澤縣西

郡縣志在都昌縣

今屬南康軍

西六十里與潯陽縣

分湖為界禹貢揚州彭蠡既豬

即江漢所匯之澤合江西江東

諸水跨豫章饒州南康軍三州之地

吳起曰三苗左洞庭右彭蠡

宋武帝破盧循於左里即彭蠡湖口左里故城在都昌縣西南九十五里彭澤故縣城在都昌

縣北四十五里晉陶潛為令治此城

太湖

職方揚州其浸五湖國語注太湖即五湖

在吳西南

唐志湖州烏程縣有太湖占湖宣常蘇四州境

通典湖州東有太湖一名震澤

在吳縣西南五十里太史公上

姑蘇望五湖太湖周五百里故曰五湖有苞山亦曰夫椒山俗謂之洞庭

山海經浮

玉之山北望具區注太湖也李氏曰五湖彭蠡

洞庭巢湖太湖鑑湖

薛氏曰震澤今太湖在平江吳縣

遠夷控五溪之蠻

通典黔州楚黔中謂之五溪謂酉辰巫武陵等

古老相傳云楚子滅巴巴子兄弟五人流入黔

中各為一溪之長一說云五溪蠻皆槃瓠子孫

非巴子也水經注武陵五溪雄構西瀛辰周武

帝時蠻帥以其地歸附遂置黔州其在黔中五溪長沙間為

盤瓠之後其在峽中巴梁間為廩君之後

劔南

東連牂柯

通典牂柯渠帥姓謝氏舊臣中國正觀中脩貢

列其地為牂州思州當牂柯之衝要

西界吐蕃見前

南接群蠻

群蠻南詔北抵益州又有烏蠻白水蠻昆明蠻

兖州蠻六姓蠻之屬漢州雒縣西北有白馬羌南平蠻北與涪州接獠蓋

蠻之別種漢中邛笮川谷之間所在皆有

北通劔閣

劔閣在劔州劔門縣張載作銘有梁山亦曰大

劔山在縣西南二十四里今隆慶府郡縣志大劔山亦曰梁山在劔

州普安縣北四十九里通典利州益昌縣古劔閣道秦使司馬錯伐蜀所由謂之石牛道郡縣

志自益昌縣界西南十里至劔州普安縣大劔鎮

名山 峨眉

峨眉大山在嘉州峨眉縣西七里 漢犍為郡隋眉山郡今嘉

定府兩山相對望之如峨眉中峨眉在縣東南二

十里西魏至眉州在峨眉之陰 因山為名蜀都賦抗

峨眉之重阻 大峨山在峨眉縣南百里中峨山在南二十里小峨山在南三十里

是為三峨

青城

在永康軍青城縣北三十二里 岷山第一峰也仙經云

此是第五洞天上有流泉縣澍一日三時灑落

謂之潮泉

鶴鳴

在蜀州晉原縣西七十九里 今崇慶府絕壁千尋後

漢張陵學道鶴鳴山中 一云在縣西八十里益州記張道陵登仙之所

嘗有白鶴遊其上

岷山

在茂州汶山縣俗謂之鐵豹嶺禹導江始於此

河圖括地象曰岷山之地上為井絡帝以會昌神以建福禹貢岷山導江東別為沱沱水在彭

州唐昌縣太史公西瞻蜀之岷山郡縣志岷山在岷

州溢樂縣南一里

大川 涪水

出剛氏道徼外經綿州巴西縣至合州入漢

雒水

出漢州雒縣章山南至新都谷入湔蜀都賦浸

以縣雒

西漢水

出秦州清水縣

通典上邽縣今省入清水

嶓冢山南入廣漢

白水東南至重慶府江津縣入江

禹貢廣記此嘉陵江水辭

氏曰西漢出清水之嶓冢與嘉陵合流入蜀

江瀆

江源在松州交川縣西北江源鎮至茂州岷山

自岷山東流別而為沱

至通州海門縣入海

山海經岷山

江水出焉東北流注于海峽山嵒山江水出焉

東流注于大江

遠夷控西河群蠻

唐志劔南諸蠻州九十二無城邑椎髻衣服通

典松外諸蠻貞觀末遣兵從西洱河討之其西

洱河從巽州西千五百里其地有數十百部落

嶺南

東南際海

秦置南海尉所謂東南一尉也

通典禹貢物貢賦職方山

川浸皆不及五嶺之外則嶺南之地非九州之境

西極群蠻

漢交趾九真日南合浦皆有蠻唐嶺南諸蠻州

九十二隸桂邕州安南府蜀爨蠻州十八隸峰

州

北據五嶺

秦南守五嶺塞上嶺一也

今南安軍大庾嶺

騎田嶺二

也今郴州都龐嶺三也今道州昨渚嶺四也今

州白芒嶺越城嶺五也今靜江府北永

名山 黃嶺

在廣州東莞縣

靈洲山

在廣州南海縣鬱水中南越志肅連山西十二里有靈洲焉其山平原

彌望

大川 桂水

連州桂陽縣在桂水之陽又靜江府臨桂縣有

灘水一名桂江經縣東去縣十步九域志韶州

曲江縣有桂水

鬱水

在南海縣漢志鬱林郡廣鬱縣鬱水首受夜郎

豚水東至四會縣入海四會屬廣州山海經出象郡

而西南注南海入須陵東南

遠夷控百越林邑扶南

通典自嶺以南是百越之地自交趾至會稽七
 八千里百越雜處各有種姓古謂之雕題林邑
 漢桓靈後蠻獠據象郡象林縣遂為林邑國晉
 灌邃討之宋杜慧度宗慤隋劉方破之唐曰環
 王今占扶南在日南郡之南海西大島中在林
 邑西南文身被髮晉隋遣使貢獻唐亦來貢

通鑑地理通釋卷之六

周形執攷

周室微諸侯不享覲天子之在者惟祭與號通鑑
 記始於威烈王命魏趙韓稽古錄曰三大夫始受
 天子之命禮之紀綱盡矣蓋文侯之命書所以終
 平王東遷春秋所以始知趙韓魏闕左傳之終也
 魏趙韓為諸侯通鑑之始也源流貫通相為經緯
 觀通鑑者當自書春秋始今略攷周之地執系於

七國之前

左氏傳景王使詹桓伯辭於晉曰我自夏以后穆魏駘芮岐畢吾西土也及武王克商蒲姑商奄吾東土也巴濮楚鄧吾南土也肅慎燕亳吾北土也吾何邇封之有

杜氏曰夏世以后穆功受五國爲西土之長

魏陝州芮城縣本魏國地魯桓公時芮伯萬出居于魏卽此地漢河北縣地後周改芮城 駘

京兆府武功縣本部邑后穆所封亦作釐漢屬

右扶風後漢省武功亦漢縣治故釐城 芮同

州馮翊縣本芮國漢臨晉縣地屬左馮翊隋改

縣曰馮翊 岐鳳翔府岐山縣東北十里有岐

山通典文王徙於岐卽此縣孟子春子言文王

治岐杜氏注在美陽縣西北輿地廣記岐陽縣

漢美陽縣地太王邑岐山之下詩謂居岐之陽

文王亦治焉唐省入扶風縣爲岐陽鎮 畢在

京兆府咸陽縣西北郡縣志畢原在京兆府萬
年縣西南二十八里詩注云畢終南之道名也
書周公葬於畢畢原卽咸陽縣所理是也左傳
畢文之昭也卽謂此地原南北數十里東西二
三百里亦謂畢陌通典文王葬畢初王季都之
後畢公高封焉 蒲姑注云博昌縣北有蒲姑
城通典姑幕縣故城在密州莒縣東北古蒲姑
氏國郡縣志薄姑故城在青州博昌縣東北六

十里

今博興縣

輿地廣記青州博興縣有薄姑城南

末爲諸侯居此成王滅之晏子曰蒲姑氏因之

而後太公因之 商奄左傳因商奄之民說文

郟國在魯括地志兗州曲阜縣奄里卽奄國之

地周有徐奄注二國嬴姓書序成王東伐淮夷

遂踐奄遷其君於蒲姑 巴重慶府巴縣本江

州縣古巴國今重慶黔達施忠萬開涪州南平

軍渠資普昌合州廣安軍皆其地也秦取其地

立巴郡 濮見牧誓伊尹為四方獻令正南百

濮郡國志越雋會無縣華陽國志曰故濮人邑

鄭語楚蚡冒始啓濮劉伯莊曰濮在楚西南左

傳麋人率百濮聚於邈將伐楚通典有尾濮木

綿濮文面濮折腰濮赤口濮黑黠濮爾雅南至

於濮鈇周書王會卜人丹砂注云西南之蠻蓋

濮人也諸濮與哀牢地相接 楚商頌奮伐荆

楚荊州之楚國也周封熊繹為楚子今歸州秭

歸縣東南丹陽城 鄧襄陽府鄧城縣漢為鄧

縣唐為臨漢縣有故鄧城在縣東北二十二里

即鄧國 肅慎北夷在玄菟北三千餘里通典

挹婁即古肅慎之國在不咸山北夫餘東北千

餘里濱大海勿吉在高句麗北亦古肅慎國地

靺鞨即勿吉也 燕在涿鹿山南召公所封都

幽州薊縣北燕伯款始見春秋 亳秦紀寧公

與亳戰皇甫謐云西夷之國 此土之亳未詳

國語史伯曰當成周者南有荆蠻申呂應鄧陳蔡
隨唐北有衛燕翟鮮虞路洛泉徐蒲西有虞虢晉
隗霍楊魏芮東有齊魯曹宋滕薛邾莒

荆蠻注云芊姓之蠻鬻熊之後蠻芊蠻矣謂叔

熊在濮從蠻俗也今按詩云蠻荆叔向曰昔成

王盟諸侯于岐陽楚為荆蠻置茅蕝設望表與

鮮牟守燎故不與盟荆蠻即楚也春秋莊公世書荆僖元年

乃書楚人伐鄭蓋始改為楚申姜姓詩申伯故申城在鄧

州南陽縣北二十里南陽秦宛縣國在今鄧州

信陽軍之境 呂姜姓書呂侯故呂城在鄧州

南陽縣西四十里林氏曰秦漢之際南陽為要

地楚有圖北方之志其君多居于申合諸侯又

在焉子重請申呂為賞田巫臣曰不可此申呂

所以邑也是以為賦以禦北方若取之是無申

呂也晉鄭必至于漢申即宛也方城之險楚所

恃而申在方城之內冥阨之險又在方城之內

應姬姓武王子封在汝州魯山縣漢志潁川郡父城

縣應鄉故國秦范睢封應侯縣廢入汝州葉縣

鄧曼姓見前陳媯姓周封舜後滿以備三

恪在陳州宛丘縣蔡姬姓文王子所封蔡州

上蔡縣蔡叔始封也平侯自上蔡遷新蔡縣

隨姬姓在隨州隨縣左傳漢東之國隨為大

唐姬姓隨州唐城縣故唐國漢為上唐鄉屬春

陵晉置上唐縣隋改唐城衛姬姓康叔之封

都殷之朝歌衛州及黎陽野王皆衛之分燕

姬姓見前翟隗姓白狄有延安府鄜丹綏廓

銀石州之地鮮虞姬姓在翟者今中山府新

樂縣古鮮虞國戰國為中山路妘姓春秋赤狄潞氏今

潞州潞城縣洛隗姓漢匈奴傳武王放逐戎

夷涇洛之北注云洛即漆沮水也出上郡雕陰

秦冒山東南入于渭後漢西羌傳洛川有大荔

之戎泉隗姓左傳泉臯之戎注云今伊闕北

有泉亭 徐注云赤翟隗姓 蒲注云赤翟隗

姓 虞姬姓武王封太王子仲雍之後為虞公

陝州平陸縣吳山在西上有虞城 號姬姓西

號號叔之後陝州陝縣上陽故城在縣東兼號

州為南境東號號仲之後在孟州汜水縣制邑

故虎牢城 晉姬姓唐叔之後燮父改唐為晉

今太原府陽曲縣 隗姬姓 未詳其地 霍姬

姓文王子叔處所封在晉州霍邑縣 楊姬姓

晉州洪洞縣本楊侯國漢為楊縣隋改洪洞取

嶺為名 魏姬姓河中府永樂縣古魏國詩謂

魏地狹隘漢河北縣唐分芮城置永樂 芮姬

姓 見前 齊姜姓太公望之後都營丘今青州

臨淄縣 魯姬姓周公旦之後伯禽宅曲阜今

襲慶府仙源縣 曹姬姓文王子振鐸之後宅

陶丘今興仁府濟陰縣東北三十七里定陶故

城 宋子姓微子後為宋公今應天府宋城縣

滕姬姓文王子叔繡所封今徐州滕縣西南
十四里有滕城 薛任姓奚仲所封漢有薛縣
故國後廢故城在徐州滕縣東 鄒曹姓春秋
邾子陸終之後今襲慶府鄒縣 莒已姓東夷
之國今密州莒縣 曹元首六代論曰三代之
君與天下共其民故天下同其憂秦王獨制其
民故傾危而莫救夫與人共其樂者人必憂其
憂與人同其安者人必拯其危先王知獨治之

不能久也故與人共治之知獨守之不能固也
故與人共守之兼親疏而兩用參同異而並進
是以輕重足以相鎮親疏足以相衛并兼路塞
逆節不生及其衰也桓文帥禮苞茅不貢齊師
伐楚宋不城周晉戮其宰王綱弛而復張諸侯
傲而復肅二霸之後寢以陵遲吳楚憑江負固
方城雖心希九鼎而畏迫宗姬姦情散於曾懷
逆謀消於脣吻斯豈非信重親戚任用賢能枝

葉碩茂本根賴之與自此之後轉相攻伐吳并於越晉分爲三魯滅於楚鄭兼於韓暨乎戰國諸姬微矣唯燕衛獨存然皆弱小西迫強秦南畏齊楚救於滅亡匪遑相恤至於王赧降爲庶人猶枝幹相持得居虎位海內無主四十餘年林氏曰春秋歷十三王君無弑逆之禍臣無專擅之變外弱而內固枝傷而幹存故晉齊多叛臣宋鄭多叛親魯多叛邑衛多叛民而周無

僭逆之亂齊俗好游秦俗好兵晉魏之俗褊衛之俗淫而周無變易之風齊作內政晉作爰田魯作丘甲鄭作封洫而周之政則守先王之政晉大夫貪鄭大夫侈魯大夫抗齊大夫驕而周之臣則貴先王之禮齊晉有世臣而無公族宋魯有公族而無世臣權在世臣則雖強而亡權在公族則雖存而削惟周之立國兼而有之親疏相制本枝相維凡此者皆非諸國之所及

也故秦雖免胄而過門楚雖觀兵而問鼎吳雖告勞而矜功亦終懾服內聽而不敢動況中國之君乎

左氏傳桓王八年與鄭人蘇忿生之田溫原絺樊隰郟欒茅向盟孟音州陘隤懷惠王五年與鄭伯武公之略自虎牢以東與虢公酒泉襄王十七年與晉侯陽樊溫原欒茅之田晉於是始啓南陽

漢地理志周地今河南雒陽穀城平陰偃師鞏

緱氏是其分也初雒邑與宗周通封畿東西長

而南北短短長相覆為千里至襄王以河內賜

晉文公又為諸侯所侵故其分墜小唐天文志

周之興也王畿千里及其衰也僅得河南七縣

通典周之封城其西得今河南洛陽偃師東至

緱氏鞏縣南得伊闕北至于河當戰國時其境

最狹東西南北方百餘里 溫孟州溫縣春秋

僖十年狄滅溫蘇子奔衛於是襄王以賜晉文

公 原在孟州濟源縣 漢軹縣原鄉 晉沁水縣南 絺在野

王縣西南今懷州河內縣 樊一名陽樊野王

縣西南有陽城國語陽人曰陽有夏商之嗣典

樊仲之官守樊仲山父食采於樊 隰邨在懷

縣西南 懷縣省入懷 州武陟縣 欝茅在懷州脩武縣北

向軹縣有地名向上 軹縣唐省入 孟州濟源縣 盟今盟

津在孟州河陽縣 陘通典河南府密縣有陘

山 隤在脩武縣北 懷卽懷縣 凡十二邑 禹貢覃懷之

地 南陽懷州脩武縣有南陽城晉啓南陽卽

此今孟懷州皆春秋南陽之地 虎牢孟州汜

水縣 酒泉周邑 未詳 陳氏曰九州川浸澤

藪各在職方不屬諸侯之版而詩不以圃田繫

鄭春秋不以沙麓繫晉略可觀矣周季諸侯始

擅不盼之利齊幹山海而桃林之塞郇瑕之地

晉實私之僭侈滋甚往往稱伯甚者至周成貢

百二十金於魏以易溫圃 呂氏曰言周秦之

疆弱者必歸之形執其說始於婁敬敬所見者
特平王之周耳曷嘗見文武成康之周哉敬以
周之形執爲弱秦之形執爲疆抑不知敬之所
謂秦乃文武成康之周也文武成康之世岐豐
乃周之都如敬之言被山帶河四塞以爲固者
蓋皆周之形執當是時安有所謂秦者耶迨至
平王東遷輕捐岐豐之地以封秦遂成秦之疆
是秦非能自疆也得周之形執而疆也秦得周

之形執以無道行之猶足以雄視諸侯并吞天
下況文武成康本之以盛德輔之以形執其孰
能禦之耶是天下形執之疆者莫周若也敬何
由見而遽以弱名周耶自平王捐岐豐以封秦
旣失周之半以破裂不全之周兢兢自保猶恐
難立豈容復有所侵削今日割虎牢界鄭明日
割酒泉界虢至襄王又頓捐數邑於晉隧固玉
章也千里之畿甸亦王章也襄王惜禮文不以

與晉自謂能守王章抑不知割地自削則畿甸之王章既不全矣借其一而墮其二烏在其能守王章耶 趙氏曰周之始東也以父子之變東而又東也以兄弟之爭 林氏曰周至平王而弱襄王而微敬王而亂此東周之三變也平王當齊晉秦楚代興之始襄王當齊晉秦楚爭伯之初敬王當齊晉秦楚俱弱之後夫四國疆而周弱四國伯而周微固其執也四國既弱而

周之亂又甚焉實周自為耳

或曰觀史伯之言成周南有申呂而

有荆蠻焉北有衛而有翟焉何以無亂華之憂曰大雅有云大邦維屏大宗維翰此立國之根本也申呂在宛維周之翰何畏乎荆衛在河朔行方伯連率之職何虞乎翟肅肅謝功召伯營之為申伯作也修爾車馬弓矢戎兵衛武自儆也乃心罔不在王室諸夏安而四夷服周之衰也申侯啓西戎之旼而終為荆所滅衛宣稔淫亂之惡而終為狄所滅東遷之後晉鄭焉依晉有河東鄭有成臯滎陽皆洛都之屏翰也周亦不競於鄭奪其政取其田召狄以伐之於晉助蝨賊而翦覆焉賞篡逆而爵命焉征伐安得不自諸侯出乎然子頹之亂鄭之自入子帶之難又晉之由定猶有賴於二國也晉楚爭鄭迭為勝負鄭以犧牲玉帛待於二竟宋之盟無夷夏

之辨申之會諸侯胥為夷晉亦不臣而暴茂宗周至於率陰戎伐潁况蠻荆何有於周室劉文公合十八國于召陵謀伐楚而晉大夫以賄敗之諸侯遂不知有周矣嘗以春秋書魯者攻之天王來聘者七錫命者三明葬者四歸脰者一而公如京師者一朝王所者一卿大夫如京師者五君日卑而臣日慢福威下移冠履易位履霜於曲沃之命堅冰於三晉之命周自是不可為雖孟子之言王道已絕望于周一魯仲連其能障橫流之波乎

黃氏曰荆

宛并韓其國都皆近京師宛衛武關以制楚韓

扞臨晉以制狄皆天下形勝故宣王中興特著

二詩焉大抵周人幽據全燕

制狄

齊據海岱

制

徐淮

充冀翼蔽洛陽并荆控扼咸雍此天下全

執也觀九州山川險要之處與其建牧規模而

經略大體可見矣 朱氏曰自申繒之讐不復

而母家之屯戍是急鍾巫之賊不正而諸侯之

盟會狎至春秋所以作也討夏南之亂不出於

諸華而反出於夷狄之國請討田恒之無君不

見於公卿而特出於去位之大夫更戰國與秦

斯義愈晦然三戶亡秦之怨猶見於故楚之遺

老使者五反必欲復立魏後之義猶復見於先
 魏之故臣感五世相韓之德不憚破家捐軀而
 求報者猶有圯下孺子也天命流行人心如故
 斯理詎可湮滅哉



